

**BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE**

S T E N O G R A M

**SA 7. VANREDNE SJEDNICE GRADSKOG VIJEĆA TUZLA ODRŽANE 15.
JANUARA 2026. GODINE U POSLOVNOM OBJEKTU „GRAFIČAR“ SA
POČETKOM U 16,00 SATI.**

- SJEDNICI PRISUSTVUJE 29 VIJEĆNIKA.

U Tuzli, januar 2026. godine

ANA PEJIĆ – predsjedavajući Gradskog vijeća Tuzla

(Intoniranje himne Bosne i Hercegovine).

Poštovani vijećnici Gradskog vijeća Tuzla, poštovani gradonačelnice, predstavnici gradskih službi, poštovani gosti, predstavnici medija, sve vas srdačno pozdravljam i otvaram 7. vanrednu sjednicu Gradskog vijeća Tuzla.

Konstatujem da prema evidenciji Stručne službe Gradskog vijeća sjednici prisustvuje 26 od ukupnog broja vijećnika. Za današnju sjednicu svoj izostanak su najavili sljedeći vijećnici: Ervin Alibegović, Senia Husić i Mirza Malkočević. Predlažem da im opravdamo izostanak sa današnje sjednice, a za današnju sjednicu kašnjenje je najavio vijećnik Emir Čehajić.

Prema odredbi člana 65. Poslovnika Gradskog vijeća Tuzla („Službeni glasnik Grada Tuzle“, broj 5/22 i 14/24), kojim je propisano da „Predsjedavajući obavještava Gradsko vijeće ko je osim vijećnika pozvan da prisustvuje sjednici“, obavještavam vas da je poziv za današnju 7. vanrednu sjednicu Gradskog vijeća Tuzla, a u skladu sa zaključcima sa vanredne sjednice Kolegija Gradskog vijeća Tuzla održane 06.01.2026. godine, upućen predstavnicima Javnog preduzeća Elektroprivrede BiH dd. Sarajevo Podružnica Elektrodistribucija Tuzla, Službi za geodetske i imovinsko-pravne poslove, evidenciju i upravljanje imovinom, Službi za prostorno uređenje i zaštitu okoline, Službi za komunalne poslove, izgradnju i poslove mjesnih zajednica i Savjetu Mjesne zajednice Simin Han.

Poziv za današnju sjednicu Gradskog vijeća je takođe upućen i gradonačelniku Grada Tuzle, sekretaru organa državne službe, pomoćnicima gradonačelnika i rukovodiocima stručnih službi, Upravnoj organizaciji Zavod za urbanizam, Gradskom pravobranilaštvu Grada Tuzle, kao i medijima.

Evidencija prisutnih na današnjoj sjednici Gradskog vijeća je kod uposlenika Stručne službe Gradskog vijeća Tuzla.

Iskoristit ću priliku da svim vozačima i automehaničarima čestitam Dan vozača i automehaničara, te da im poželim u ime Gradskog vijeća sigurnu vožnju.

Također, današnju vanrednu sjednicu Gradskog vijeća Tuzla zakazala sam, u skladu sa članom 59. Poslovnika Gradskog vijeća Tuzla, po zaključku Kolegija Gradskog vijeća Tuzla sa sjednice održane 06.01.26-e godine, a na inicijativu 16 vijećnika Gradskog vijeća Tuzla koji su 05.01.26-e godine, dostavili zahtjev za održavanje vanredne sjednice Gradskog vijeća Tuzla zbog, kako su naveli, višegodišnjeg prekida u snabdijevanju električnom energijom.

Evo ja pozivam...samo da...Stavljam na izjašnjavanje predloženi dnevni red i pozivam vijećnike da se izjasne o dnevnom redu koji ste dobili u materijalima. Zamolit ću vijećnicu Azru Feukić da se izjasni.

Glasanje je okončano.

Konstatujem da je dnevni red usvojen sa,

26 glasova za, nije bilo protiv i nije bilo suzdržanih.

USVOJENI DNEVNI RED 7. VANREDNE SJEDNICE GRADSKOG VIJEĆA TUZLA ODRŽANE 15.1.2026 GODINE (broj 01/04-A-176-2026)

1. Razmatranje informacije u vezi sa realizacijom Odluke Gradskog vijeća Tuzla o utvrđivanju javnog interesa za izgradnju elektroenergetskog objekta KBTS 10(20)/0,4 kV „Simin Han 1“ sa priključnim 10 (20) kV srednjenaponskim vodom na lokaciji Simin Han u gradu Tuzli kao i o razlozima višegodišnjeg prekida u snabdijevanju električnom energijom u Simin Hanu.

Prelazimo na realizaciju usvojenog dnevnog reda.

Tačka jedan:

Razmatranje informacije u vezi sa realizacijom Odluke Gradskog vijeća Tuzla o utvrđivanju javnog interesa za izgradnju elektroenergetskog objekta KBTS 10(20)/0,4 kV „Simin Han 1“ sa priključnim 10 (20) kV srednjenaponskim vodom na lokaciji Simin Han u gradu Tuzli kao i o razlozima višegodišnjeg prekida u snadbijevanju električnom energijom u Simin Hanu.

Obavještavam vijećnike da je Kolegij Gradskog vijeća, na sjednici održanoj 06.01.26-e godine, usvojio sljedeći zaključak:

Kolegij Gradskog vijeća Tuzla traži od Javnog preduzeća Elektroprivreda BiH d.d. Sarajevo, Podružnica „Elektro distribucija“ Tuzla, Službe za geodetske i imovinsko-pravne poslove, evidenciju i upravljanje imovinom, Službe za prostorno uređenje i zaštitu okoline i Službe za komunalne poslove, izgradnju i poslove mjesnih zajednica da, u okviru svojih nadležnosti, pripreme pisanu informaciju u vezi sa realizacijom Odluke Gradskog vijeća Tuzla o utvrđivanju javnog interesa za izgradnju elektroenergetskog objekta KBTS 10(20)/0,4 KV „Simin Han 1“ sa priključnim 10 (20) KV srednjenaponskim vodom na lokaciji Simin Han u gradu Tuzli kao i o razlozima višegodišnjeg prekida u snadbijevanju električnom energijom u Simin Hanu te da istu prezentuju na vanrednoj sjednici Gradskog vijeća Tuzla, koja će se održati 15.01.26-e godine.

Podsjećam vijećnike da su u materijalu podijeljenom pred početak današnje vanredne sjednice, kao i putem e-maila, dobili Informaciju Službe za geodetske i imovinsko-pravne poslove, evidenciju i upravljanje imovinom, Službe za prostorno uređenje i zaštitu okoline i Službe za komunalne poslove, izgradnju i poslove mjesnih zajednica, kao Informaciju JP Elektroprivreda BiH d.d. Sarajevo, Podružnica „Elektro distribucija“ Tuzla, te Informaciju Službe za komunalne poslove, izgradnju i poslove mjesnih zajednica.

Sada pozivam predstavnika 16 vijećnika koji su podnijeli zahtjev za održavanje današnje vanredne sjednice Gradskog vijeća da ukratko obrazlože svoj zahtjev, pa evo vijećnik Senad Mehmedinović. Izvolite.

SENAD MEHMEDINOVIĆ – vijećnik Nezavisne liste „Sloboda“

Hvala najljepša predsjedavajuća. Ja u ovom dijelu neću vam uzimati puno vremena, jer čekamo kao i svi ostali vijećnici koji sjede ovdje, da čujemo predstavnike i Elektroprivrede, odnosno Elektro distribucije, službi šta će nam reći, ali svjesni, duboko svjesni problema u kojima se nalaze građani Mjesne zajednice Simin Han i čestitam ja njima na strpljivosti koji su imali, a to je ravno deset godina.

Mi smo kao Klub vijećnika inicirali vanrednu sjednicu Gradskog vijeća, koju su podržali i Klub vijećnika Stranke demokratske akcije, Demokratske fronte, Tuzlanske alternative, BOSS-a i Klub vijećnika Naše stranke, ali želim da kažem da svi vijećnici, bez obzira da li pripadali poziciji ili opoziciji, su ponovo potvrdili kada je u pitanju interes građana da smo svi na jednoj strani. Tako da smo mi inicirali. Zakazana je sjednica kolegija i evo po tom pitanju zakazana je i sjednica, vanredna sjednica Gradskog vijeća sa ovom tačkom dnevnog reda, a ja ću se kasnije uključivati u diskusiju kada se otvori rasprava. Hvala ljepo.

ANA PEJIĆ

U redu. Zahvaljujem se. S obzirom da je Gradsko vijeće Tuzla 15.09.22-e godine, donijelo Odluku u utvrđivanju javnog interesa za izgradnju elektroenergetskog objekta kablovske transformatorske stanice Simin Han 1 sa priključnim srednjenaponskim

vodom na lokaciji Simin Han u gradu Tuzli, kojim je određeno da Javno preduzeće Elektroprivreda BiH DD Sarajevo, Podružnica Elektrodistribucija Tuzla, korisnik ekspropriacije nekretnina za izgradnju elektroenergetskog objekta, ovim putem pozivam predstavnika Javnog preduzeća Elektroprivreda BiH DD Sarajevo, Podružnica Elektrodistribucija Tuzla da nam se obrati, a u ime Podružnice Elektrodistribucije obratit će se direktor Adamir Jahić. Izvolite.

ADAMIR JAHIĆ – direktor Podružnice Elektrodistribucije Tuzla

Poštovana predsjednice Gradskog vijeća Grada Tuzla, poštovani gradonačelnice, poštovani vijećnice i poštovani vijećnici i poštovani gosti. Pored mene ispred ED Tuzla ovdje su prisutni rukovodioci Službe za imovinsko-pravne odnose Jasmin Nuridin i rukovodioc Poslovne jedinice Tuzla Damir Hukić.

Prije početka izlaganja napominjem da za svaki navedeni dokument u ovom obraćanju, sa tačno navedenim datumom, posjedujemo taj dokument i možemo vam ga prema potrebi dostaviti na uvid. U ovom obraćanju imam namjeru da vam prezentujem, znači, tražene informacije u vezi sa zaključkom Kolegija Gradskog vijeća od 06.01.2026.

Naselje Simin Han u Tuzli se trenutno napaja sa stubne transformatorske stanice Čaklovići 2 i sa kabloske transformatorske stanici KSF 6 Simin Han. Nova transformatorska stanica Simin Han 1 sa transformatorom nazivne snage 400 kVA i priključnim 10-20 kV vodom. Dužine trase cirka 350 metara. Planirana je kako bi preuzeo dio konzuma pomenutih trafo stanica. Na taj način bi se osiguralo kvalitetnije napajanje svih kupaca naselja Simin Han. U cilju izgradnje nove transformatorske stanice sačinjen je projektni zadatak još 15.07.2016. godine, a procijenjena vrijednost investicije je bila 110.000 maraka.

Javno preduzeće Elektroprivreda BiH DD Sarajevo, Podružnica Elektrodistribucija Tuzla je prvi zahtjev za izdavanje urbanističke dozvole predala 23.11.2016. godine u Grad Tuzla. Saglasnost na trasu od strane Službe za komunalne poslove izgradnju i poslove mjesnih zajednica je izdata 10.12.2021. godine. Podružnica Elektrodistribucija Tuzla je pripremila novu situaciju u idejnom rješenju i predala zahtjev za izdavanje urbanističke saglasnosti po izmijenjenoj situaciji 31.01.2022. godine, zbog formiranja parcela za transformatorsku stanicu i zbog nemogućnosti pribavljanja saglasnosti posjednika parcele označenih kao k.č. 1392 KO Simin Han, Musić Hasija koja živi u Diviču preko koje je bio planiran ovaj nadzemni vod. Upisani posjednik Musić Hasija je odbila dati saglasnost, iz razloga jer želi da gradi garažu na datom dijelu parcele preko koje je planiran nadzemni vod. Po službenoj dužnosti Služba za prostorno uređenje i zaštitu okoline traži od nas kao investitora da dobijemo dopunsko rješenje od Službe za komunalne poslove, izgradnju i poslove mjesnih zajednica na rješenje od 10.12.2021. godine, obzirom da se na istom nije, ne spominje saglasnost za nadzemnu mrežu već samo za stubna mjesta i podzemni dio kabla. Podružnica Elektrodistribucija Tuzla podnosi pisani zahtjev za dopunsko rješenje od Službe za komunalne poslove, izgradnju i poslove mjesnih zajednica dana 31.01.2022. godine, kao i molbu za uzimanje predmeta u rad 06.06.2022. godine. Po predmetnom zahtjevu i molbi Služba za komunalne poslove, izgradnju i poslove mjesnih zajednica dostavlja informaciju odnosno dopis 18.07.2022. godine, kojim nas informišu da ne mogu izdati dopunsko rješenje. Rješenje o urbanističkoj saglasnosti je izdato 28.07.2022. godine koje je postalo pravosnažno 29.08.2022. godine. U toku važenja rješenja o urbanističkoj saglasnosti Služba za komunalne poslove, izgradnju i poslove mjesnih zajednica izdala je rješenje broj 05/23-A-004345-2022-N.N. od 25.01.2023. godine, kojim se odbija zahtjev za izdavanje saglasnosti za nadzemni kablovski vod i stubno mjesto broj 4. Znači, prošlo je 5 godina i 8 mjeseci od datuma podnošenja zahtjeva za urbanističku dozvolu do datuma izdavanja istih. Obratili smo se Službi za prostorno uređenje i zaštitu okoline

16.08.2023. godine, za produženje važenja urbanističke saglasnosti izdato, izdato je rješenje o produženju rješenja o urbanističkoj saglasnosti od 15.09.23-e godine.

Podružnica Elektro distribucija Tuzla je 15.08.2022. godine, ponijela zahtjev za donošenje Odluke u utvrđivanju javnog interesa za izgradnju navedenog objekta, a Gradsko vijeće Grada Tuzla je donijelo navedenu odluku 15.09.2022. godine.

Dana 13.11.2022. godine, podnesen je od strane Podružnice Elektro distribucija Tuzla pisani prijedlog za potpunu ekspropriaciju parcela lokacije transformacijske stanice Simin Han 1, ali i prijedlog za nepotpunu ekspropriaciju dijelova još tri parcele preko kojih se planira izgraditi ovaj nadzemni vod. Podružnica Elektro distribucija Tuzla je podnijela i pisanu urgenciju o prijedlogu za ekspropriaciju dana 27.11.2023. godine, koja je bila naslovljena na pomoćnika gradonačelnika Služba za geodetsko i imovinsko pravne poslove.

Dana 19.03.2024. godine, Podružnica Elektro distribucija Tuzla je podnijela drugu pisanu urgenciju, ali sada na ruke gradonačelnika, a urgencija je navedeni predmet trafostanica Simin Han 1.

Prvo rješenje o usvajanju rješenja o ekspropriaciji je izdato 03.12.2024. godine, za parcelu 1396 K.O. Simin Han. Drugo rješenje je izdato 18.11.2025. godine, za parcelu 1395 K.O. Simin Han, a treće rješenje 19.11.2025. godine, za parcelu 1394 K.O. Simin Han.

Za lokaciju transformatorske stanice smo sporazumno kupoprodajnim ugovorom riješili pitanje vlasništva na parceli koju smo formirali i ocijepili i 25.10.2024. godine, te smo od postupka potpune ekspropriacije odustali. Uzimajući u obzir da je nakon izdavanja prvog rješenja o ekspropriaciji bilo određenih aktivnosti, ali da je zatim opet nastupila šutnja, upućena je nova pisana urgencija i upit nadležnoj Službi za geodetsko i imovinsko pravne poslove Grada Tuzla i to dana 20.08.2025. godine. Nakon toga smo dobili usmenu informaciju da je predmet po rješenju o ekspropriaciji od 03.12.2024. godine prosljeđen u Općinski sud u Tuzlu, dana 01.09.25-e godine, na daljnje odlučivanje.

Želim napomenuti sljedeće. Priuzimanjem mandata u septembru 2023. godine, inicirao sam održavanje sastanka sa Gradskom upravom, gdje smo mi definisali i Gradskoj upravi i prezentovali naše prioritete za naredni period, a također od njih smo preuzeli njihove prioritete. Dogovor je bio da se na taj način unaprijedimo našu saradnju, a među našim prioritetima na tom prvom sastanku je bila i trafostanica Simin Han 1. Drugi sastanak sa Gradskom upravom je održan na našu inicijativu kroz godinu dana. Tu smo istakli da smo mi sve prioritete Grada Tuzla u proteklom periodu riješili, a Grad Tuzla nama nije niti jedan. Zamolili smo ih da se više angažuju na našim projektima jer imamo zaista puno predmeta koji su na čekanju. Dobili smo obećanje da će se to riješiti. Od svih projekata koje smo kandidovali, to je bilo nakon ovoga sastanka drugog, samo jedan je poslije odrađen, a to je trafostanica Tetima-Kosci sa priključnim dalekovodom i to zahvaljujući Slavku Stijepiću, koji se angažovao da u Gradu Tuzla izdejstvuje dozvole. To je prva odrađena interpolacija trafostanica nakon 15 godina u gradu Tuzla. Ona je pri kraju i to je skoro posao i završen.

Obzirom na okolnosti, ne bih ja sad da mi polemishemo ko je kriv i i zašto...se nešto toliko dugo čekalo, mada ne bježimo ni od toga, već da vidimo način kako da riješimo problem. Mi smo stava da je navedena trasa optimalno rješenje za ovaj slučaj, al ako ima drugih prijedloga, mi bi njih vrlo rado prihvatili. Obzirom da na ovoj navedenoj karti vidimo sa plavom bojom označeno uz put vodovodna mreža, prikazana je vodovodna mreža, evo interesuje nas i molimo Gradsku upravu da nam odgovori kako je tu nađeno rješenje i da li je bilo problema kod dobivanja dozvola. U konačnici mi bi mogli pristati na to da u toj trasi uz, znači, taj vod od vodovodne mreže, položimo i mi svoj kabal i da riješimo sporni dio ove lokacije. Jedan dio lokacije, drugi dio ne bi, jer nam nije potrebno. Toliko. Hvala.

ANA PEJIĆ

Zahvaljujem se. Sada pozivam predstavnika resornih gradskih službi da nam se obrate, pa evo ne znam ko će, koja služba će prva. Evo Služba za geodetske i imovinsko – pravne poslove, gospođica Jasmina Šimleša. Izvolite.

**JASMINA HASANEFENDIĆ – ŠIMLEŠA – pomoćnik gradonačelnika za
Službu za geodetske i imovinsko – pravne
poslove, evidenciju i upravljanje imovinom**

Poštovana predsjedavajuća Gradskog vijeća, dopredsjedavajući, sekretar Gradskog vijeća, poštovane vijećnice i vijećnici, poštovani gosti, poštovani predstavnici Mjesne zajednice Simin Han, sve vas naravno pozdravljam.

Dakle, evo ja ću malo u drugačijem tonu razgovor. Dakle, za potrebe sedme vanredne sjedice Gradskog vijeća Tuzla, u vezi sa informacijom na realizaciju Odluke u utvrđivanju javnog interesa za izgradnju energetskog objekta u Mjesnoj zajednici Simin Han, mi smo već pripremili informaciju i to tri resorne službe od kojih se zahtjevalo da pripreme informaciju. To je Služba za geodetsko i imovinsko-pravne poslove, nisam još naučila ovaj dalje i naziv od 1. januara svoje službe, Služba za prostorno uređenje i zaštu okoline i Službe za komunalne poslove i izgradnju mjesne zajednice i mi smo ovaj dali vama jedinstven odgovor u kojem su sadržane informacije po postupanju u ovom predmetu i po ovoj odluci. Dakle, ne bih s obzirom da znam da ste svi dobili ovu informaciju i da ste vjerovatno čitali, ja neću biti tako opširna pa čitati ono što smo vam već poslali, ali ću probati ovdje da pojednostavim stvari, tako da me razumiju ne samo kolege pravnici, ja znam da će oni najbolje razumjeti ovu tematiku, nego da me razumiju svi prisutni i naravno što je najbitnije naši građani. Stvaranje uslova za uključivanje upravni postupak svih lica koja imaju status stranke u postupku od velikog je značaja, posebno ako se ima u vidu činjenica da eksproprijacija predstavlja zakonom propisan način prinudnog oduzimanja nekretnina, bilo ograničeno, bilo neograničeno, odnosno ograničenja prava vlasništva na nekretninama u određene svrhe, naravno tu mora biti javni interes koji smo utvrdili, uz naknadu prema važećoj tržišnoj vrijednosti nekretnine kada je to u javnom interesu utvrđeno na zakonom propisan način, u konkretnom slučaju, ne zanemarljiv broj suvlasnika predmetnih nekretnina, a vi ste imali priliku da vidite kakva je vlasnička struktura ovih nekretnina, da su tamo upisana lica sa udjelima od 170 kroz 1800 i nešto. Da je veliki, dakle, broj suvlasnika predmetnih nekretnina preminuo, kao što je slučaj i sa pojedinim njihovim nasljednicima, što u velikoj mjeri doprinosi uvećanju vremenskog perioda potrebnog da bi se od nadležnih organa prikupili podaci o identitetu i prebivalištu upisanih vlasnika i njihovih nasljednika, od kojih pojedini nemaju prebivalište, a ne pojedini, nego većina njih nema prebivalište na području grada Tuzle, pa ni Tuzlanskog kantona, ni Bosne i Hercegovine, a sve kako bi se istima kao strankama u predmetnom postupku eksproprijacije osiguralo pravo učešće u postupku ili kako bi se istima u slučaju nemogućnosti osiguranja podataka o prebivalištu postavili privremeni zastupnici u cilju provođenja, odnosno nastavka postupka, postoji zakonom propisani uslovi postavljanja privremenog zastupnika. Da biste nepoznatim licima postavili privremenog zastupnika u postupku, dakle, morate iscrpiti sva moguća zakonska sredstva da dođete, znači, do podatka da je zaista to lice nepoznato, uključujući njihove nasljednike. Pa smo u ovom konkretnom predmetu imali dopise koje smo upućivali Općinskom sudu ili kako se već zove Okružnom sudu u Zvorniku, u Bijeljini, u Novom Sadu, dopise koje smo upućivali u Republiku Hrvatsku za pojedine upisane, odnosno njihove nasljednike. I sad, pazite, vi uputite dopis evo u Bijeljini, pa kolko dana prođe, pa dok taj organ, dakle to ne zavisi od nas, taj organ odgovori nekad u roku od tri dana, nekad u roku od 30, a nekad u roku od 60 dana na naše dvije, tri

urgencije, pa nam da podatak da je umrlo lice. Pa se mi sudovima u tim opštinama, u tim gradovima obraćamo, pa dok sudovi nama prosljede, ako nam prosljede, znači, informaciju, da li je uopšte, a najčešće nije proveden ostavinski postupak, pa ako nije proveden ostavinski postupak, onda se mi ponovo vraćamo na njihove opštine i gradove i tražimo umrle listove. Pa nađemo umrle listove, pa još nađemo da su i ti iz umrlih listova umrli. Znači, odgovorno tvrdim, postupak eksproprijacije je jedini postupak u kome su organi uprave nadležni da utvrđuju stvarnog vlasnika. Inače, utvrđivanje stvarnog vlasništva je posao, odnosno, nadležnog suda. Provjerite informaciju koliko na samo jednoj parceli traje postupak pred sudom, nadležnim sudom, za utvrđivanje stvarnog vlasništva, sa puno manjim brojem upisa vlasnika nego što je ovdje slučaj. Znači, da vam pojednostavim. Ja vjerujem da je neko od vas i privatno imao takav problem. Koliko je trajao na sudu, pitam vas? Jutros sam saznala od svog prijatelja koji je prije skoro tri godine podnio zahtjev sudu putem advokata za utvrđivanje stvarnog vlasništva. Tek sad, skoro tri godine je prošlo, tek je sad doneseno rješenje da se objavi poziv u Službenim novinama ili kako već ide u dnevnom listu. A mi smo da bi postavili privremenog zastupnika, jer još jednom ponavljam, ovo je jedini postupak kad se ljudima može ograničiti ili oduzeti ustavam zagarantovano pravo vlasništva. Dakle, nimalo nije jednostavno, a od mene bi bilo vrlo neodgovorno, kao nekog ko poznaje pravne propise, kao nekog ko se bavi tom strukom, kao nekog ko ima odgovornost prema svom nadređenom da mu ponudim zakonito rješenje, da sam ja za 5 dana postavila privremenog zastupnika. To bi bilo nezakonito rješenje. Zbog toga ovi postupci traju ovako dugo. I ne samo ovaj postupak, nego puno drugih, jer mi nažalost, na području grada Tuzle, a što su pokazali postupci harmonizacije koje smo sreća, evo opet mi kao Grad Tuzla inicirali da se odvijaju na našoj teritoriji. Mi imamo potpuno, naši, dakle, vlasnici, odnosno posjednici, a govorim dakle o privatnim nekretninama, imaju potpuno nesklad između faktičkog i stvarnog vlasništva. Evo to vam odgovorno tvrdim. To je vrlo provjerljiva činjenica, to je činjenica koju možete provjeriti uvidom u javne isprave, u ZK uložke i u katastarski operat, u posjedovne listove. Dakle, na sve moguće načine, pored brojnih postupaka eksproprijacije koji se odvijaju pred našom službom, za koji su takođe utvrđeni javni interesi, da me pogrešno ne shvatite, mi moramo biti profesionalci. Nama je svejedno, a pri tome smo, znači, usred javnih interesa za saobraćajnu infrastrukturu, oko koje se vode takođe velike polemike, kada je u pitanju Grad Tuzla i Tuzlanski kanton uopšte, stavili i rješavali prioritetno, i to ne samo u zadnje vrijeme, nego svo vrijeme nam je ovaj predmet na stolu. Zato što znamo šta znači ne imati struje. Dakle, sve je pokušano. Ovo je moje najprostije objašnjenje, da znate u kakvoj situaciji se nalazimo i kako nije jednostavno preuzet odgovornost i oduzet ljudima pravo vlasništva bez da se upoznati. Ova dva postupka koja su na sudu, nas Zakon o eksproprijaciji obavezuje, kad završimo to znači da je pred našom službom završen postupak eksproprijacije, doneseno pravosnažno rješenje, nakon što smo sve ove zakonom propisane postupke proveli i nakon što su se ispunili svi zakonom propisani uslovi, donijeli smo rješenje, postavili privremene zastupnike, ali tu pravosnažno je rješenje i tu naša nadležnost prestaje. Zašto? Mi smo po Zakonu o eksproprijaciji obavezni u roku od dva mjeseca poslati na sud, neće se rješavati na sudu, tu su već riješeni, nego sud mora provesti postupak sporazumnog određivanja naknade. Zašto? Zato što se kod suda deponuju sredstva za nepoznata lica. Znači, to su zakonski propisi i to su procedure. Mi bismo voljeli. Pa koja služba ne bi voljela? Koji šef ne bi volio da nema pritisaka? Da riješimo odmah predmet. Evo nađite. Ne postoji.

Što se tiče ovog, znači iščitali ste ovu informaciju, da ja sve ne ponavljam. U odnosu na Službu za komunalne poslove, izgradnju i poslove mjesnih zajednica, ista trenutno nema dodatnih tačaka...dodirnih tačaka sa problematikom, s obzirom na to da se radi o neriješenim imovinsko-pravnim odnosima. Učešće ove Službe očekuje se u narednoj fazi, odnosno u fazi izvođenja radova, kada može doći do potrebe za prokopavanjem, eventualno prokopavanjem javnih površina ili polaganjem elektroenergetskih kablova, što je u nadležnosti Službe za komunalne postupke. Šta je bilo? Ja znam da i vi vijećnici, a naravno i naši građani Simin

Hana, kojima ovom prilikom izražavam veliko poštovanje, očekuju određene odgovore, ali to je trenutno stanje stvari. Ako ćemo raspravljat šta je bilo, ako ćemo ovako, mi smo poslali tad, možemo i tako. Znači tu su moje kolege, tu je i predstavnik Službe za komunalne poslove, izgradnju i poslove mjesnih zajednica i on vam može dati odgovor na evo ovo očitovanje kolega iz Elektroprivrede. (vijećnik Mensur Mujezinović govori bez uključenog mikrofona op.a.). (ANA PEJIĆ - Molim vas, pitanja na kraju će, kad se otvori diskusija vijećnika, biće i pitanja). U pogledu izdavanja dokumentacije za izvođenje radova na izgradnji trafo stanice Simin Han, jedan sa priključnim srednjenaponskim vodom po zahtjevu korisnika ekspropriacije, Služba za prostorno uređenje i zaštitu okoline. Evo, oprostite će mi kolege, ja ću malo u ime njih. Donijela je pravosnažno rješenje, ali o tome će više takođe moj kolega Fahrudin Delić ispred Službe za prostorno uređenje i zaštitu okoline. Evo, ako imate...

ANA PEJIĆ

Pitanja su na kraju. (JASMINA HASANEFENDIĆ – ŠIMLEŠA – Pitanja još za mene?). Jasmina, pitanja su na kraju kad se otvori diskusija. (JASMINA HASANEFENDIĆ – ŠIMLEŠA – Ok). Samo malo, bez dobacivanja, bit će otvorena diskusija vijećnika gdje ćete moć postaviti pitanja. Predstavници službi i predstavnici Elektrodistribucije će odgovoriti vam na pitanja koja proisteknu iz diskusija, naravno u toku sjednice danas ovaj. Tako da ne mislite da nećete dobiti odgovor ili da nećete imati mogućnost da postavljate pitanja. Hvala vam, Jasmina. Da li još neko od predstavnika službe...Evo, predstavnik Službe za prostorno uređenje, gospodin Fahrudin Delić. Izvolite.

FAHRUDIN DELIĆ - pomoćnik gradonačelnika za Službu za prostorno uređenje i zaštitu okoline

Gospodo predsjedavajuća, dame i gospodo vijećnici, dragi gosti, sve vas srdačno pozdravljam. Ja ću biti jako kratak i krenut ću samo unazad od elaboriranja gospodina Jahića od onih sastanaka koje ste spomenuli na kraju. Čini mi se na prvom sastanku da je bilo 27 zahtjeva Elektrodistribucije i sve što ste rekli stvarno stoji, niste rekli brojeve. Od toga je 25 bilo na Elektrodistribuciju, odnosno tražena je dopuna predmeta i služba nije mogla raditi taj dio posla. Tačno je i da je 2016. podnesen zahtjev za urbanističku saglasnost i da je ona izdata 2022. Al taj period između je malo onako čudan. U novembru 2016. je podnesen zahtjev. Početkom 2017. upućen dopis Elektrodistribuciji da se izjasni i da dopuni zahtjev. Dopuna zahtjeva je bila 21-e godine. To je problem. A još ste onda početkom 22-e podnijeli ste novi zahtjev za istu urbanističku. I ta dva zahtjeva su spojena i 22-e godine ste dobili urbanističku saglasnost, koja nažalost, po zakonu traje godinu dana. Tražili ste produženje. Dobili ste i to produženje. Žao mi je što u tom produžetku bar niste podnijeli zahtjev za građevinsku dozvolu. Samo je jedna stavka u građevinskoj dozvoli imovinsko stanje. Ima ih jako puno. Mogli smo ovo sačekati dok se ne riješi na neki način, ali da vi imate aktivan zahtjev. Trenutno Elektrodistribucija, odnosno Elektroprivreda, nema aktivan zahtjev što se tiče transformatorske stanice Simin Han. Ne postoji taj zahtjev. Da postoji, mi bi ga rješavali. Eto, tolko od mene.

ANA PEJIĆ

Zahvaljujem se. Da li se još neko od predstavnika resornih službi javlja za riječ? Izvolite. Predstavnik Službe za komunalne poslove, izgradnju i poslove mjesnih zajednica, gospodin Miralem Mulać. Izvolite.

MIRALEM MULAĆ - pomoćnik gradonačelnika za Službu za komunalne poslove, izgradnju i poslove mjesnih zajednica

Evo ja vas sve redom pozdravljam. Ja bi ovdje već je rečeno u nekom uvodnom izlaganju da ove tri službe su dali jedan zajedničku i jednu zajedničku informaciju vezanu za ovu problematiku. Međutim, nakon dobijanja informacije od strane Elektrodistribucije, mi smo kao služba morali se naknadno oglasiti sa još jednom informacijom vezanom za ove konkretne detalje, evo, gdje je direktor na neki način prezentirao svoju informaciju. Pa evo, želim da kažem u postupku, znači, izdavanja urbanističke saglasnosti, Služba za komunalne poslove je dala saglasnost da se mogu postaviti osam armirano-betonskih stubova i elektroenergetske instalacije dužine 5 metara. Znači, to je postavljanje instalacija u cestovnom pojasu i tako dalje. I to je na neki način data ta saglasnost u tom periodu. Međutim, poslije, evo, već su rečeni, određeni, vi imate te informacije, ja mislim da su proslijeđeni dopis Službe za komunalne poslove svima vama. Imate ove brojeve, znači 31.01.2022. godine, zahtjeva se izdavanje dopunskog rješenja, broj taj i taj, od 10.12.2021. godine, na način da se dozvoljava postavljanje nadzemnog srednje naponskog voda između navedenih A-B stubova. Kad se uvidom u projektnu dokumentaciju, evo, pošto se radi o nerazvrstanim cestama, visina ovih stubova je, odnosno, bila tačno 12 metara, služba to podrazumijeva. Mi kad smo dali saglasnost za ovaj tip armirano-betonskih stubova, znači nije data saglasnost za postavljanje samo stubova koji nemaju nikakvu funkciju, razumijete. Međutim, oni svojim izmjenom projektnog rješenja sa visinom stubova faktički, jednostavno, dolazimo u situaciju da Služba za komunalne poslove nije nadležna da izdaje, odnosno, sama taj zahtjev, eliminiše ovaj element zbog te visine armirano-betonskih stubova. Zatim je bio još jedan detalj, naknadno izdavanje saglasnosti za postavljanje AB stuba, stubno mjesto broj 4. Ono je izmješteno u projektnoj dokumentaciji, međutim, služba u svom postupku, kada je izašla na teren, već je konstatovala da je taj AB stub već postavljen i tako da mi nismo mogli izdati novo rješenje, jer su evo na neki način bez te vrste saglasnosti odradili.

Evo, to su samo neki detalji znači vezani za određene zahtjev prema Službi za komunalne poslove u nekom prethodnom periodu, a evo u konačnom zbirnom izvještaju mi smo rekli da, naravno, služba će imati dodatne aktivnosti kada se bude riješilo imovinsko pravni odnosi na samoj lokaciji. Evo, mogu reći da samo se očitujemo na ove dvije situacije, određene urgencije koje su slate prema Službi za komunalne poslove, da su one sve na neki način ispoštovane, da evo došlo je do izmjene projektnih rješenja, znači visina stubova nije samo izmjena rješenja zbog imovinskih problema, nego je izmjena iz nekih drugih razloga, a za stubno mjesto četiri smo već rekli da je ono izvedeno izlaskom na teren dok nije predmet i naša saglasnost data. Evo toliko za...

ANA PEJIĆ

U redu. Zahvaljujem se. Za riječ se javio gradonačelnik Grada Tuzle, doktor Zijad Lugavić. Izvolite.

ZIJAD LUGAVIĆ – gradonačelnik Grada Tuzla

Uvažena predsjedavajuća, dopredsjedavajuća i dopredsjedavajući, uvažene vijećnice i vijećnici, uvaženi sekretaru Gradskog vijeća, poštovani direktore, građanke i građani, dragi gosti, sve vas srdačno pozdravljam. Ja neću biti dug, obzirom na sve ovo izloženo ovdje, mi imamo jedan ogroman problem, kompleksnu situaciju i s aspekta ekspropriacije, evo imamo dva predmeta na sudu, ne znamo kada ćemo riješiti, treći predmet je kod Elektrodistribucije i da treba da se izjasni o visini naknade, da li će prihvatiti procjenu, neće, ide se dalje. Dakle,

ovaj, u postupak, a građani i dalje imaju problem. Mislim da je tendencija ove današnje sjednice, da mi na zajednički način iznađemo rješenje da se što prije riješi problem snabdijevanja električnom energijom građana Simin Hana, rješenje koje će moći da se brzo u skladu sa svim zakonskim procedurama na terenu realizuje.

Direktor je postavio pitanje trase vodovoda. To vi treba da riješite i da predložite. Ako je to vama prihvatljivo i moguće za realizaciju, dajte da vidimo šta se može uraditi u najkraćem mogućem periodu da se riješi problem postavljanja trafostanice. Gradska uprava ne može ponuditi rješenja, jer mi izdajemo saglasnost, izdajemo rješenja, a vi nađite najadekvatnije tehničko rješenje. Uvijek smo tu za razgovor da zajedno vidimo šta stvarno je moguće uraditi i sa aspekta imovinskih i sa aspekta tehničkih mogućnosti.

Ja predlažem da što prije zajedno sjednemo, da li vi možete da ponudite neko drugo tehničko rješenje koje ćemo moći izvesti, da ga proanaliziramo odmah u startu i sa aspekta imovinskih, pravnih i svih drugih, koje nam je najbolje i najkvalitetnije rješenje gdje ćemo moći na zakonu zasnovan način izdati sve dozvole u najkraćem mogućem roku. Ja mislim da mi o tome treba da razgovaramo. Ovo elaboriranje, to sve građani znaju. Sve oni ove informacije imaju. I ne treba da bude cilj današnje sjednice da mi čitamo nešto što već svi znaju, jel onda ova sjednica nema nikakve svrhe, ovaj, jel da ima bilo kakvog efekta, o tome mi već imamo trafostanicu gore. Mi je nažalost nemamo. Dajte da nađemo rješenje kojim ćemo riješiti ovaj problem. I mislim da to treba da bude svrha današnje sjednice.

Naša Gradska administracija će apsolutno biti 24 sata na raspolaganju da nađemo adekvatno, ponovo ponavljam na zakonu, zasnovano rješenje koje će u najkraćem mogućem periodu dati rezultat postavljanja trafostanice. Opet ovdje, evo gledam na ovu sliku, pošto je vodovod. Je li to il je neko drugo koje će dati najviše efekta i najbrže riješiti problem, a da je u skladu sa zakonom mi nećemo apsolutno ništa ni opstruirat, košto nismo ni do sada, nego ćemo gledati da u najkraćem damo rješenje. Fahro je evo rekao da trenutno mi nemamo ni zahtjeva za urbanističku saglasnost, dakle nemamo. Dajte da sjednemo pa da se definiše koji je to put. Predložite nam i da sjednemo i da građane obavijestimo, evo idemo u tom pravcu moćemo uraditi u veoma kratkom periodu, osim ako se opet ne radi o rješavanju imovinsko-pravnih, gdje kao što je kolegica rekla, nikad ne može unaprijed reć kad će to biti riješeno, jer je to proces koji je kompleksan i proces koji zahtjeva vrijeme da se svi vlasnici uključe u ovaj postupak i u ovu proceduru.

Evo, ovo bi bila moja molba, dakle dajte, predložite rješenje koje se može realizovati na terenu na brz i efikasan način i mislim da to je bit današnje sjednice, ovaj, to, a ne, evo opet kažem, trebalo je upoznat građane, al ovo sve građani znaju. Oni sve ovo imaju, sve ove dokumente o kojim smo mi govorili, to građani već imaju. Al nama treba rješenje. Hoćemo li čekati ovaj epilog na sudu, kad će on biti gotov, i to je rješenje, al, onda kolko smo odgovorni prema građanima da ne probamo iznać neko drugo rješenje, alternativno rješenje koje je možda brže, koje je efikasnije, pa nek ovo bude dugotrajnije, pa ćemo i to radit. Al hajmo da vidimo šta sad možemo na brži način da uradimo. To je moja molba prema svima nama, da na takav način danas damo konstruktivne prijedloge i da izađemo na zelenu granu. Ne samo na ovom predmetu.

Ja imam još jednu molbu od strane građana, a to je snabdijevanje Orašje. Dakle, još jedan problem koji meni već dvije, tri godine negdje visi, pošto se Orašje snabdijeva od strane Živinica i kad imamo veći snijeg, nevjeme neko, uvijek ostanu i oni bez struje. Pa evo ukolko možemo osim ovog problema, da možda tretiramo i da razgovaramo i o ovom problemu, pa da nađemo neko rješenje i za, ovaj, Orašje, ali i za svaku drugu lokaciju.

Ne želim nikako da prebacujem odgovornost ni na koga, dakle svi smo odgovorni, ali je na nama teret i najveća odgovornost da iznađemo kvalitetno na zakonu zasnovano rješenje. Et. Ja sam toliko imao da kažem.

ANA PEJIĆ

Zahvaljujem se gradonačelniku Grada Tuzle, doktoru Zijadu Lugaviću, a za riječ su se javili predstavnici Elektrodistribucije još jednom, pa evo predstavnika, gospodin Nuridin Jasmin. Izvolite.

JASMIN NURIDIN – predstavnik Elektrodistribucije Tuzla

Pozdrav svima. Ipak smo se mi odlučili za samo jednu malu dopunu izlaganja direktora, na uzimajući u obzir izjašnjenja predstavnika službi, kako Službe za komunalne i tako Službe za prostorno uređenje.

Ne bi se osvrćao nešto posebno na izjašnjenje Službe za geodetsko i imovinsko – pravne poslove, s obzirom da zaista, mislim, postupci eksproprijacije su dugotrajni. Mi kao investitor, odnosno Elektroprivreda na sve moguće načine izbjegavamo voditi date postupke, upravo zbog što smo svjesni da je to postupak koji traje po nekoliko godina i na kraju se ne zna kako će se završiti. A mi na svaki mogući način, prilikom predlaganja idejnog rješenja, pokušavamo da ucrta se trasa koja je najbrže rješiva u smislu da se na terenu izgradi. Znači, osnovna djelatnost ODS-a, znači, operatora distributivnog sistema, jeste da izgradi distributivnu mrežu, na način da se obezbijedi sigurno snabdijevanje električne energije datom kupcu. Sva ostale popratne djelatnosti, znači, imovinsko-pravni odnosi, ekonomski odnosi u ovakvom preduzeću su sporedne djelatnosti. Znači, to su djelatnosti koje nas faktički zakoni tjeraju, da budemo legalisti i naravno mi poštujemo sve što se zakoni nalažu, ali prvenstveno kada tražimo tehničko rješenje, idemo u većini slučajeva i na štetu u smislu sebe da ćemo izgraditi neki objekat koji estetski možda izgleda čudan. Evo, cik-cak, bježi se lijevo-desno, više stubova se iskoristi, postavlja nego što je možda u prvi mah bi netko rekao zašto i kako, sve kako bismo osigurali da taj objekat zaživi na terenu što prije. Tako da s tog aspekta razumijemo i nemamo problem, samo smo imali potrebu da iznesemo u onom svom dopisu tačne podatke, znači, od podnošenja zahtjeva do donošenja rješenja. Znači, da onaj ko čita da zna datum kad smo mi predali zahtjev, kad smo dobili rješenje. Naravno, mi smo svjesni i mi, jer i mi smo javni servis, da ni mi neke svoje zahtjeve ne možemo promptno riješiti zbog broja i zbog raznih drugih, onaj, razloga.

Eh, osvrnuo bih se sad samo na izjašnjenje Službe za prostorno u smislu da je tačan podatak da smo podnijeli zahtjev za izdavanje urbanističke krajem 2016. godine, da je za nas zatražena dopuna, a da smo istu, onaj, tek učinili 2021. godine. Ja pred sobom imam, znači, kopiju sve dokumentacije iz predmeta koji se vodi u Elektrodistribuciji, imam tri primjerka urađena, mogu ostaviti, naravno, ovdje stručnim službama, da kopira bilo kojim vijećniku, građaninu ili šta. Znači, kompletno od podnešenog zahtjeva, pa do izdate urbanističke saglasnosti. Nažalost, nije tačan podatak da smo mi dopunili zahtjev za urbanističku tek 2021. godine. Zahtjev prvi za dopunu je došao kroz nekih petnaestak dana od Službe za prostorno prema Distribuciji Tuzla. Mi smo ga u naredni neki mjesec, mjesec i po dana dopunili, jer je obično dopuna prema nama prva ide, uplatite taksu, dostavite posjedovne listove, kopiju plana, a mi smo to učinili, po službenoj dužnosti, znači kao što smo u našem dopisu na već napisali, Služba za prostorno uređenje se obratila kako Zakon u upravnom postupku nalaže drugim nadležnim službama, svojim službama u Gradskoj upravi prema Službi za komunalne poslove, zatim prema Vodovodu, prema BH Telekomu, da se izdaju saglasnosti na trasu. Brzo smo u nekim roku od mjesec dana, koliko sam ja vidio u predmetu, a imam tačne dokaze, jer su nam isti dostavili i nama je dostave se te saglasnosti, Vodovod i BH Telekom su dali svoje saglasnosti, međutim, tad je krenula ta, da kažemo, borba između predmetne tri službe, Službe za komunalne poslove, Službe za geodetsko i imovinsko-pravne poslove, u smislu izdavanja te saglasnosti, odnosno rješenja. Obzirom da cjelokupno naša trasa, koja na ovoj situaciji se,

znači, vidi ako neko, ne znam dal se mogu ova tri svjetla možda uglasit, da se možda bolje malo situacija vidi, znači, naša trasa dalekovoda je crvena linija ucrтана. Znači, imamo crnu liniju koja predstavlja magistralu našeg dalekovoda, koji postoji na terenu. Znači, ovo je nešto što je postojeće, što ima. Postavljamo novi stub ispod trase dalekovoda, i ovo je crvena ucrтана linija sa tačnim brojem stubova koje mi postavljamo da dođemo do krajnje tačke. Znači, ako možete vidjet, znači, pratili smo, intencija projektanta je bila da se prati upravo lokalni put, cesta, jer smo smatrali da na taj način možemo najlakše riješiti imovinsko – pravne odnose najbrže, najbržem kraj...roku izgraditi takav objekt. I takva je intencija, zaista, ako pogledate bezbroj naših projekata unazad, ne samo na ovoj lokalnoj zajednici, nego i u drugim lokalnim zajednicama, da pokušavamo na što manji mogući način tuđe nekretnine opterećujemo, jer svakako neko ako bi gradio na svojoj nekretnini mora se odmaknut od lokalnog puta, od ceste, dok mi pravimo linijske objekte, koji u skladu sa zakonskim propisima mogu biti što nadzemni i podzemni i u tom zaštitnom cestovnom pojasu određene ceste. Šta se ovdje dešava? Znači, mi smo dobili, naravno, saglasnosti Vodovoda i Telekomu, dopunili smo to što je od nas ostalo zatraženo u smislu te uplatnice posjedovnih listova i ta borba između Komunalne službe i Geodetske u smislu da se izda ta saglasnost je nama pravdana u smislu da nije postojala određena odluka o ne razvrstanim cestama Grada Tuzle, da je zbog tog razloga Služba za komunalne nije mogla izdati rješenje. Oni su zbog toga prosljeđivali predmet Službi za geodetske. Mi imamo, možemo vam dat kopiju te korespondencije jer su nama dostavljali, mi smo tražili pisanim putem šta se dešava s predmetom, pa se može vidjeti, znači, sve se to dešava, znači, 2017. godina. I da skratimo ovu priču oko te tačke. Znači, nama dolazi e-mail od 2019. godine, po našem upitu prema voditelju postupka Službi za prostorno uređenje, znači, gospođa Gordana je vodila predmet, nama odgovara na naš upit šta se dešava, s obzirom da smo mi, što je tim dopisom iz 17-e zatraženo dopunili sve davno, šta se dešava, što nam se ne izda urbanistička. Odgovor dolazi u tom smislu, kaže: „Poštovani od navedene dokumentacije u dopisu, ovoj službi nije dostavljena saglasnost Službe za komunalne poslove, zbog čega ova služba nije mogla okončati postupak izdavanja urbanističke saglasnosti“. Znači, to se još uvijek dešava 2019.

2020. godine, poslije ponovne dvije urgencije Službe za prostorno, znači, sad opet pričam nešto što se dešava u Gradu Tuzla, znači, mislim, hajde, opterećujem vas, ali evo, zbog informisanja potpunosti, dolazimo do podatka da oni ponovno urgiraju prema Službi za komunalno, dešava se da se 21-e godine usvaja ta odluka o ne razvrstanim cestama, izdaje se predmetna saglasnost i nakon što je izdata predmetna saglasnost, mi od Službe za prostorno zaista, al dobivamo novi poziv da se ponovno dopuni dokumentacija na način da sad one saglasnosti od Vodovoda, Telekomu i sve što smo dali 17-e prošlo je puno godina, treba obnovit. Naravno, zatražene su ponovo od Vodovoda, Telekomu, izdate su i date su. I pazite, tu se ne završava priča. Znači, tada po zahtjevu Službe za prostorne, gospođe Gordane, znači, ostavit ću vam kopije mailova, nas upozorava kao investitore da to rješenje koje smo dobili od Službe za komunalno je prema njihovom mišljenju, žena piše u e-mailu, pet ljudi zna se čitalo u Službi za prostorno, ne možemo vam dati urbanističku dok se to rješenje ne dopuni. Znači, nismo mi inicirali dajte da dopunimo to rješenje, jer je nama nešto manjkalo. Mi smo ga prifatili kao takvo rješenje. I tek se tad rješava, da kažem, taj predmet, gospođa Gordana kopira kompletno obrazloženje, odnosno taj dopis Službe za komunalno i izdaje se urbanistička saglasnost. I s tim bi završio ovu tačku što se tiče dopune dokumentacije.

Služba za komunalno, evo čuli smo ovdje kaže da se to rješenje dopunjavalo jer smo mi mijenjali visinu stubova. Ja taj podatak apsolutno nemam. Visina stubova se apsolutno mijenjala nije od samog starta od idejnog rješenja. Znači, tačno se zna, to su tehnički propisi, evo direktor je inženjer, koji stub se postavlja kutno-zatezni, koji je na pravcu nosni. Znači, stubovi su jedni, 10 metara i 12 visine. Za ovakvu vrstu objekata srednjenaponskog voda se značno zna koji stub može, koji ne može. E sad, i to ne bi polemisao, jer to nije tačna

informacija nikako. Stub broj 4 koji nam je rečeno da nije se mogla izdat saglasnost jer je on postojeći. Pazite, ako primijetite na ovoj situaciji, ponovo ću se približiti situaciji. Ispod crvene linije, ovde se previše sad ne vidi jer je stavljena žuta boja. Znači, zašto je, opet se vraćam na početak, Distribucija se odlučila na ovu trasu. Znači, ne da bi mi želju neku imali da nešto rješavamo imovinskih odnosa dugo, ovako, onako, da to traje, nego smo koristili trasu svoju niskonaponske mreže, koja je tu na terenu već dvadeset i nešto godina. Znači, postojeće stubove betonske koje imamo na niskoj mreži, koji su postavljeni i koji trenutno napajaju te kupce. Znači, intencija projektanta je bila da ti stubovi na datim tim mjestima ne predstavljaju nikom smetnju. Znači, već postoje dvajst godina tu. Znači, mi smo, ko i za ostala sva stubna mjesta planirali i predvidjeli. Ako budete vidjeli, al evo mogu ovo dostavit vam, imam i desetak u boji karti da pred sebe pogledate. Od ovih većinu 8 stubova, 9 kolko je na ovih 300 metara planirano, svi su planirani da se postojeći stubovi povade niskonaponske, jer oni su niži. To je niska mreža i oni su s tog aspekta tanji i niži, jeftiniji, jer je lakši kabal niskonaponski. Ovaj je puno teži, svojom težinom da ne bi puko stub stavljaju se debeli, deblji stubovi. I stub četvorka je planiran. Znači, zaista on postoji, ali ko i ostali zamišljen je i predviđen projektom, jer svojim gabaritima, debljinom i težinom ne može nosit srednjenaponski kabal. Znači projektant je planirao da zamijeni stubove, da postavi se srednjonaponski vod, znači univerzalni kabalski vod koji će napojit trafostanicu. Po istim stubovima bi se vratio onaj niskonaponski kabal, jer može taj deblji stub da izdrži, da nosi jedan i drugi kabl, a i po thničkim propisima to je dozvoljeno. Znači, mi smo i tad ono bili začuđeni, evo za ostale ste nam stubove dali saglasnost koje ćemo povadit, zamijenit na isto mjesto stavit druge, ali za stub četiri ne može, jer je on na terenu i oni ostali su svi na terenu. Možemo danas sjest u auto obić i gore svi stubovi postoje od četvorke do ove osmice, znači, i brojni drugih dole, jer je to riječ o niskonaponskoj mreži s kojih stubova pojedinačne su kuće bile napajane. Tako da taj podatak u tom smislu broja četiri je takav kakav jest.

E sad, samo još ova jedna rečenica, znači zašto direktor u svom izlaganju prezentuje odnosno postavlja to pitanje u smislu evo kako je Vodovod, možemo li i mi. Od direktora odnosno od uprave firme za nas, od nas u sektoru iz kojeg ja dolazim je zatražena informacija da pripremimo je da li zaista je postojalo drugo tehničko rješenje da se napravi ova trafostanica. Znači, ponovo sve službe, od službe za pristup mreži, od službe za pripremu investicija, znači riječ je da kažem o nekih 60 ljudi koji sjede u Distribuciji, koji raspravljaju o mreži, je ponovo otvorena karta i pregledano da li je to moguće. Ja vam mogu dati znači ovu situaciju, mogu vam i pokazati, ako se približite, ako se ova pokaže u svjetlu. Zašto je ovo ovako? Znači mi kad bismo ovaj kabl zaista stavili u isti rov gdje sad prolazi i vodovodni, voda, znači gdje je uradio Vodovod svoju mrežu, mi prolazimo kroz iste parcele. O čemu se radi? Znači od potezu magistralnog voda našeg gdje trebamo sići, pa sve dol do raskršća, put fizički na terenu, fizički asfaltiran put, nije asfaltiran nako kako je na kopiji plana. Znači nako kako je uplanjen. Znači, smaknut je. Znači, asfaltirana je površina parcela koje smo mi nepotpuno ekspropriali. Znači, za koje mi vodimo postupak ekspropriacije. Zato direktor postavlja pitanje, znači kako je Grad asfaltirao te tri parcele koje mi pokušavamo nepotpuno eksproprialiti, znači ti nekih 5 metara širine, kako je Vodovod kroz te iste površine provukao svoju cijev, mi u ZK izvadku ne vidimo te služnosti upisane, od nas se traži, naravno mi poštuemo evo i pokrenut je postupak ekspropriacije, da riješimo na pravilan način. Zašto je, zato kažem, nemoguće, mi sad kad bismo spustili kabl, nisu tu promijenili, evo da bilo ko ucrta, mi smo probali da čak pratimo i uplanjeni put. Evo, da ga mi fiktivno precrtamo na uplanjeni put. Fizički na terenu je to nemoguće jer imate najmanje tri objekta, kuće sa dva, tri sprata koji su napravljeni na tom uplanjenom putu, jer je faktički na terenu taj put smaknut. Asfaltirano je privatno, hajde da kažem, parcela.

E sad, da i to napomenem. Znači, tri parcele koje mi eksproprialimo, za koje se vodi postupak ekspropriacije, gruntovno zaista se vode na 24-25 fizičkih lica pravoslavne

vjeroispovijesti neki upisani, koji su vjerovatno tad bili vlasnici. Katastarski, sve tri parcele su upisane Grad Tuzla 1/1, u Katastru kad izvadite posjedovni list. Nama je to predstavljalo znak da ćemo možda lakše riješiti imovinske odnose. Znači, prvo, ta parcela upisana kao Grad u posjedovnom listu. Na terenu je, gdje su naši stubovi. Znači, to već put. Znači, faktički je drugi čovjek, znači druga organ, faktički koristi tu površinu. I treće, ima već drugi korisnik tog puta, pored fizičkih lica koja se voze tim putem, Vodovod koji je svoju mrežu ugradio. Što ne bismo mi smo sebi tad postavili pita...što ne bismo i mi? Al evo, došli smo u fazu da mi ne možemo i razumijem, ispoštovat ćemo zakonsku normu, ali mi smo ponovo pregledali kompletan predmet. Koji god tehničku varijantu radili, znači, mi imamo samo dvije, nadzemno il podzemno sić. Znači, ne možemo preskakati, nema struje bežično da možemo nešto odraditi. Mi moramo doći od tačke A do tačke B, da bismo napojili trafostanicu, da bismo ostvarili svrhu. Znači, stavili trafo jači i rasteretili postojeće dvije trafostanice i da kupci imaju jednak napon. Znači, mi nemamo druge varijantu, osim ispoštovati zakon, napraviti ovo, da li podzemno, da li nadzemno, nama je apsolutno svejedno. To u parama izađe isto, tehnički izađe isto, ali nije faktički moguće dobiti dozvole, ha nacrtali podzemno, ha nacrtali nadzemno, ako se striktno ovo od nas traži, u smislu, eksproprijate, upišite se u C listu, što mi sasvim poštujemo. Nismo se mi protivili, nismo mi rekli, nećemo. Čim smo dobili urbanističku saglasnost, nije postala ni pravosnažna, dostavit ću vam dokaz, nije još stekla, nije pravosnažnost, podnešen je zahtjev Općinskom vijeću da se donese Odluka o utvrđivanju javnih interesa, jer smo u startu znali da mi ne možemo obezbijediti C list, jer ga nemamo. Znali smo mi da su to parcele koje su gruntovno na fizičkim licima upisane, 24, 25 suvlasnika ima. Al smo smatrali da će u tom postupku eksproprijacije se utvrditi, smatrali smo možda da ima Grad Tuzla neki pravni osnov od čega je sebe upisao u Katastru kao vlasnik. U krajnjem slučaju ljudi su asfaltirali tu put, napravili ga put. Znači, taj pojas se koristi kao cestovno zemljište. Znači, ne kao zaštitno cestovni pojas, nego bukvalno kao cestovno zemljište. Međutim, došli smo u fazu da moramo ovo riješiti, ne bježimo, rješavamo se. Zaista jest, postavlja se to osnovno pitanje, šta svi sad možemo učiniti da se to riješi? Mi kao Distribucija ne vidimo mogućnost da bilo šta da odradimo s tehničkog aspekta da ubrzamo varijantu. Nemamo. Mi ovo sve što smo mogli, pisali smo, urgirali smo, tražili smo, da precrtavamo, samo da kažem, da bilo šta radimo, mi ne možemo kablom napraviti tehnički opasnu stvar. Da približimo se objektu, fizički, neko kući il nešto, ne bismo dobili ni krajem slučaja ni dozvolu za takvo nešto. Ipak morate razumjeti da je struja opasna stvar. Znači, po zakonu. Znači, može neko poginut. Znači, morali smo o tom voditi sve računa. Znači, kako god okrenemo smatramo i dalje, znači, razmatrano, znači, u zadnjih par dana, ponovno ovaj predmet, ne postoji optimalnije tehničko rješenje od ovog, da se izvede na terenu, da se uradi, zamijene stubovi, vrata, kablovi i završi priča. Riješili zemljište za trafostanicu, otkupili od čovjeka, pocijepali, postigli su odmah sporazum, jer je čovjek u međuvremenu i kod njega je bila ista situacija. Bio je katastarski čist, gruntovno nije i mi podnijeli prijedlog za potpunu eksproprijaciju. Pocijepali parcelu. Čovjek se pojavio sam 2019-2020, rekao hej ljudi, ja sam završio. Ja sam se uspio u Gruntovnici uknjižiti. Hajmo odma, dođi, hajmo notar, ugovor, završili priču, podnijeli dopis Službi za geodetsku, odustajemo od postupka potpune eksproprijacije. Znači, svjesni smo mi da su eksproprijacije dugotrajni postupci, da je to, da kažem, đavolji posao, al nismo imali drugu varijantu, jer s tehničkog aspekta nemamo drugog rješenja da izgradimo trafostanicu. Znači, ako zaista pogledate, mogu vam kome god hoćete dostaviti ove situacije i skice, da vidite gdje je put izgrađen, gdje je put uplanjen, gdje je vodovodna mreža, gdje smo mi zamislili. Vidit ćete, crvena linija je naše planirano, žuta je bukvalno ispod crvene linije, znači, naša postojeća mreža, plava je vodovodna i označili smo, osjenčili smo uplanjeni put u odnosu tamo gdje je on asfaltiran. Toliko bi ja o tome. Ako ima neko još dodatno?

ANA PEJIĆ

Zahvaljujem je. Ako bude pitanja svakako ćete na kraju diskusija. Molim vas, samo za malo tišine i bez dobacivanja o vremenu, obzirom da je ovo vanredna sjednica i svi predstavnici imaju pravo dra iznesu informacije kojim vladaju vezano za ovu tačku dnevnog reda.

Za riječ se javio ponovo gradonačelnik, ako dobro vidila. Gradonačelnik, doktor Zijad Lugavić. Izvolite.

ZIJAD LUGAVIĆ – gradonačelnik Grada Tuzla

Ja sam opet htio da zamolim da budemo pragmatični, sat i po pričamo, a nismo se ničeg dotakli. E to je opet samo moja molba. Ako je ovo jedini način da se uradi, ako je ovo jedina trasa, onda se treba podnijeti zahtjev za urbanističku, pa da krenemo odatle, pa da idemo za građevinsku i da idemo dalje, uporedo će se onda rješavati imovinski. Kad će oni biti riješeni, to ne može niko da kaže. I onda mi imamo problem.

Ja bih opet zamolio ako postoji ikakvo drugo rješenje, da vidimo i da sjednemo. Dakle, da ne čekamo kad će biti gotovo imovinski, jer oni su nam uslov za izdavanje građevinske dozvole.

Opet, samo kažem, molim, nisam tehničke struke, ali za vid problema građana, da budemo što odgovorniji prema njima i da maksimalno se svi potrudimo da nađemo rješenje koje će omogućiti što bržu realizaciju. Eto, ja bih samo toliko, volio bi da što prije krenemo u tu priču i tu realizaciju. Ovo je historiografija koja nikom nije dala nikakvu informaciju koju oni do sad nisu imali. Al dajte da vidimo, obzirom da mi smo sad u ovom momentu nemamo ni jednog zahtjeva za ovu trafostanicu. Nema urbanističke, nema ništa. Znači, dajte da krenemo prvi korak da napravimo i da vidimo da li je to ova trasa, da li je to neka druga trasa? Ja bi struku zamolio da još jednom opet kažem proanaliziraju ako ikakvo, ikakvo drugo tehničko rješenje postoji koje će pomoći da se ubrza ovaj proces rješavanja, ne samo ugradnje trafostanice gore, nego i kompletne mreže gore. Koliko ja znam od građana, možda nije stina, opet kažem nisam te struke, da gore kompletnu mrežu treba zamijeniti, da nije dostatna. Ne ulazim u to jer kažem nisam tehničke struke. Ali trebamo da se svi zajedno potrudimo da na kvalitetan i najbrži način riješimo ovaj problem.

Eto, to je opet moja molba samo da ne pričamo puno, da radimo više svi. Ne govorim ja ni o jednom, ni o drugim ni o trećim, nego svi zajedno smo dužni da budemo odgovorniji prema građanima. Hvala.

ANA PEJIĆ

Zahvaljujem se. Sada pozivam predstavnika Savjeta Mjesne zajednice Simin Han, gospodina Subašić Senada, da nam se obrati. Aha, predstavnika građana, nije predstavnik Savjeta Mjesne zajednice. Ja se izvinjavam. Onda pogrešna mi je informacija. Izvolite Senade. Ništa. Samo vi polako.

SENAD SUBAŠIĆ – predstavnik građana Mjesne zajednice Simin Han

Poštovana predsjedavajuća, poštovani vijećnici, uvaženi gradonačelnice, ostali prisutni, mediji, želim da vas u lično ime pozdravim i u ime građana Mjesne zajednice Simin Han. Znači, problemi sa električnom energijom u Mjesnoj zajednici Simin Han počeli su onog momenta kad je krenula nagla razvoj Mjesne zajednice po pitanju infrastrukture, po pitanju naselja, znači, ekspanzija naselja je prevelika bila.

Tu imamo još problem da je na postojeću mrežu prikačeni i mali privrednici koji u Mjesnoj zajednici Simin Han ima neznatan broj i u svakom momentu je u porastu. Stalni prekidi u napajanju odnosno ispad sistema koji dolazi zbog, ovaj, dolazi nam do pregorjevanja naših aparata i električnih uređaja u kući, gdje ćemo biti mi na kraju primorani da tražimo od nekoga naknadu. Da li će tu biti Elektrodistribucija? Pa ćemo možda ić u tužbe, angažovanje vještaka elektrostruke, vidjet ćemo šta će na kraju da se desi. Tu je loš napon. Znači, nije ovdje u pitanju samo ispad sistema. Mi imamo problem sa naponom. Mi dobijemo napon u 140, 170 Volti. To nama nabija račune za struju. Uvećava ih gospodo. Više ona mašina za veš ne može da radi. Električna umjesto da peče sat vremena, ona peče sat i po, onaj banalno da kažem.

Ovdje vidim sad rješenje. Rješenje je dala Elektrodistribucija. Zapeli smo. Zapeli smo, devet godina stojimo u mjestu, tapkamo. Ja možda dolazim iz nekog drugog ne civilnog sektora. Završio sam svoju vojnu karijeru. Tamo smo uvijek tri rješenja, znači, moguća predlagali. Ovdje je samo jedno. Nemoguće je da se samo na ovom mjestu moramo zakačiti na dalekovod. Da li je to rješenje možda cvjećara odozdo da uzmemo pa da idemo skroz Jalom da pružimo kablove? Razmislite gospodo. Mi smo uredno platili priključke. Mi uredno plaćamo svoje račune. Evo ga i danas uvećan za dvadeset i nešto maraka u odnosu na protekla tri mjeseca i stvarno imamo problem. Dokad ćemo mi da trpimo? Ovo shvatite kao naše zadnje upozorenje. Ukoliko ne bude određeni rokovi koje ćemo mi da strpimo dok vidimo kad prođu kako će da se poduzme šta će da se riješi. Ićemo na radikalnije mjere. Ne što hoćemo, nego što ćemo biti primorani. Biće one, vjerujte, u granicama zakona možda od neposluha, od neplaćanja računa, pa bujrum isključite čitavo naselje ako vas nije onaj sramota. Ovo nije jedina rak rana Mjesne zajednice Simin Han. Imamo mi tu, Ambulanta koja se isto rješava, pošta, bezbjednost učenika koji idu u školu. Imamo putnu infrastrukturu u naselju je katastrofalno. Rupa do rupe.

Ovom prilikom zahvaljujem se vijećnicima Mehmedinoviću i Mujezinoviću koji su od samog početka znači shvatili kompleksnost situacije i od samog početka su s nama. Takođe, zahvaljujem se i vijećnicima koji su potpisali i podržali ovu vanrednu sjednicu. Toliko. Hvala.

ANA PEJIĆ

Zahvaljujem se. Također, s obzirom da mi se prije sjednice obratio gospodin Senaid Avdić, Mjesna zajednica Pasci Gornji. Evo u komunikaciji sa vijećnicima, izvolite gospodine Senaide, pošto, samo kratko da se obrate i oni ispred Mjesne zajednice, odnosno, ispred građana Pasaca Gornjih. Izvolite.

SENAID AVDIĆ – predsjednik Mjesne zajednice Gornji Pasci

Prije svega činim izuzetnu čast i zadovoljstvo da vam se ispred mještana Mjesne zajednice Gornji Pasci danas obratim. I ujedno se zahvaljujem i predsjedavajućoj.

Ja sam predsjednik Mjesne zajednice Gornji Pasci, Senaid Avdić. Mjesna zajednica koja broji oko 3.500 stanovnika, odnosno preko 1.050 domaćinstava. Mjesna zajednica Gornji Pasci u odbrani ove države dala je ogroman doprinos, što kazuje činjenica da smo 26 šehida dali za ovu državu. I evo došli smo u situaciju da nam se djeca po tri do pet, šest dana mrznu, a starije osobe isto tako, radi nestanka električne energije. Mi smo zadnjih godina imali neke napretke dok je bio Tahir Brčaninović. Međutim dok je došao ovaj gospodin Jahić to je sve zastalo. I pazite sad nešto. Mjesna zajednica koja je vrlo siromašna, gdje recimo svijet sebi obezbijedi, mještani u frižidere, u zamrzivače, nešto da bi se prehranili, to se pokvari. Ili evo dva, tri dana gledam, puna je ambulanta, djece naše koja su se prehladila.

A zamolio bi ovoga direktora Jahića da dođe u našu Mjesnu zajednicu da kako je došlo, da nije ni jedna bandera zamijenita ovdje. Ima bandera, kad bi vidila ono nema ni u Hondurasu. Jedna, onaj kabal što vodi od trafoa, glavni onaj kabal debeli, to je bandera, isto vrljika. I ljudi znaju... (ANA PEJIĆ – Molim vas, bez dobacivanja). Ljudi znaju ovi taj dole isto Elektro, ovaj, ovaj, Živince, pošto mi pripadamo gradu Tuzla, a Poslovnica Živince. I tu, da li je tu problem, da li je neradom ovdje Direkcije Elektroprivrede Tuzla, to ne znamo. Ali došlo je vrijeme da se ovo počne rješavati. Jer evo ovdje inače i ove komšijske mjesne zajednice Par Selo, Ljubače, isti je problem. Pa vjerujte, evo ja noćas trnim, hoćel me neko zvat da je nestalo struje, ako napon iskoči. Pa jedna ulica ima struju, druga nema. Mi nemamo problema kad se tiče tih imominsko-pravnih odnosa. Ali Pascima treba jedan trafo isto. I mi ne imamo. Pola sela nema odgovarajući napon struje. Niko ne rješaje. Kome? Eto. Toliko. Hvala.

ANA PEJIĆ

U redu. U redu. Zahvaljujem se. S obzirom da se niko više od predstavnika nije javio za riječ, otvaram diskusiju klubova vijećnika. Vijećnica Svjetlana Kakeš, pa vijećnik Senad Mehmedinović. Izvolite.

SVJETLANA KAKEŠ – vijećnik SDP – Socijaldemokratske partije Bosne i Hercegovine

Hvala predsjedavajuća. Koristim evo priliku da pozdravim predsjedavajuću, zamjenika predsjedavajuće, sekretara, gradonačelnika, predstavnike Elektroprivrede i naravno sve prisutne građane i ostale prisutne na sjednici.

Mislim, svi ćemo se složiti da je nezamislivo da u 21. stoljeću hiljade stanovnika, nekoliko hiljada stanovnika, možda i više od 20.000 jednog grada nemaju kontinuirano i sigurno snabdijevanje električnom energijom, ali se, nažalost, to dešava i to baš kod nas i, nažalost, traje godinama i decenijama. Dešava nam se da nekoliko hiljada građana, pa evo i desetine privrednih subjekata u naselju Simin Han, redovino ostaju bez struje, čim se na mrežu priključi malo veći broj potrošača.

Pored toga, ne možemo danas pričati o Simin Hanu i pokušati iznaći rješenje za problem ovog naselja, a da podjednaku pažnju ne posvetimo i sličnom, a mislim i, činim se, možda i još dugotrajnijem problemu u Par Selu, Pascima, Ljubačama, Orašju i Morančanima, a koliko imamo informaciju, vrlo često u naseljima, tamo oko u Kojišinu, Križanima, Kolovratu i dijelovima Tušnja, a vjerovatno i još nekim naseljima.

Godinama unazad, građani Simin Hana i građani naselja, koja se napajaju strujom iz Živinica, kao što smo čuli, trpe zbog ovakvog stanja, ukazuju na to na razne načine, obraćaju se Elektroprivredi Bosne i Hercegovine i Elektroprivredi Tuzla, Živinice, lokalnim upravama, ali, nažalost, situacija se, evo već godinama, pa i decenijama ne popravlja.

Što se tiče Simin Hana, u materijalima, ali i u izlaganjima koje smo danas čuli, smo uglavnom dobili opis stanja, problema, retrospektivu, slanja dopisa, podnošenja zahtjeva, donošenja rješenja, odluka, dostavljanja obavještenja i u tome se slažemo sa gradonačelnikom da ovakva komunikacija i ovakav pravac nas neće dovesti do brzog i uspješnog rješenja, zasnovanog naravno na zakonu. Mi ni iz materijala, ni iz izlaganja danas nismo mogli vidjeti konkretne mogućnosti dolaska do konačnog rješenja problema niti konkretne prijedloge za izlazak iz ove situacije, osim donekle prijedloga koje je gradonačelnik iznio u svom izlaganju. I nama laicima koji nismo stručnjaci za imovinsko-pravne postupke, a naročito, evo, nakon izlaganja kolegice Jasmine, je jasno da su postupci eksproprijacije među najsloženijim postupcima i jasno je da je u razumnom roku bilo teško i očekivati da se ova odluka o utvrđivanju javnog interesa Gradskog vijeća odnosno o eksproprijaciji ove tri parcele provede

u nekom razumnom roku koji bi zadovoljio potrebe građana. Istina je da se tu radi o tri, četiri parcele, međutim...međutim, radi se o više od nekoliko, o više od stotinu suvlasnika i vlasnika. S toga, ne čudi, s toga nam se i nameću logična pitanja. Da li je ovo bilo jedino moguće rješenje? Da li postoji neko drugo rješenje? Evo, čuli smo i neke prijedloge, bar što se tiče imoviskopravnih uslova, neko jednostavnije rješenje u tom smislu. Da li su predstavnici Grada i Elektrodistribucije zajednički došli do izbora postojeće trase? Slažem se da ne treba Grad određivati trasu, ali evo, da li je Elektrodistribucija se prije nego što se odlučila za trasu, konsultovala sa nadležnim gradskim službama, da bi utvrdila da li je ta trasa zaista najjednostavnija, da tako kažem, da se dođe do najbržeg rješenja? I da li se, kad se vidjelo da se laički rečeno zapelo, razmišljalo o promjeni trase, kad se vidjelo da se u razumnom roku ne mogu okončati ovi postupci eksproprijacija, a i drugih postupci koji se vode pred nadležnim službama?

Iz informacija koje smo dobili iz Elektrodistribucije se može primijetiti, a i iz izlaganja, ajde da tako kažem, ispočitavanje gradskim službama na sporosti, neažurnosti, i evo recimo da ima u tome i donekle istine. Ali s druge strane, imamo i činjenice da se radi, kao što smo vidjeli o veoma složenim postupcima, da nadležna služba pored ovog provodi i eksproprijacije za još više stotina parcela vezanih za druge projekte od javnog interesa. Također, pred gradskim službama se vode i drugi predmeti, čiji je podnosilac Elektrodistribucija, a isto tako stoji činjenica da se i pred Elektrodistribucijom vode određene postupci od interesa za Grad, i evo drago mi je čuti da su oni riješeni, mada evo ja znam za jedan da nije riješen, al radi se o jako jednostavnom predmetu i ne bi se na to osvrnula.

Međutim, ovo sve što smo danas čuli nam govori o nedovoljnoj saradnji i komunikaciji, čini mi se, i između gradskih službi i Elektrodistribucije. Iz toga ne čudi ova reakcija građana Simin Hana, jer je njihov gubitak strpljenja u iščekivanju rješenja, pa makar bilo kakvih vidljivih pomaka, sasvim logičan i racionalan. Uz to, nimalo manje je važno i urgentno stanje sa snabdijevanjem električnom energijom, a ništa sigurno, ako ništa radi se o dugotrajnijem problemu, a u problemu gdje se čak ne vidi ni da se počele raditi na njegovom rješavanju, su višednevni prekidi u snabdijevanju naselja Par Selo, Pasci, Orašje, Morančani i Ljubače.

Koliko znamo, ovdje je problem dotrajala i desetljećima neodržavana ili neadekvatno održavana infrastruktura. Pri tome, problem se dodatno složnjava, jer se ova naselja snabdijevaju strujom sa područja Podružnice Elektrodistribucije Živince, što njima komplikuje same pokušaje iznalaženja rješenja. Koliko smo čuli od građana, tamo čim puhne jači vjetar ili padne malo više kiše, o snježim padavinama da i ne govorimo, hiljade korisnika ostaju dani bez električne energije. I tako to traje godinama, možda deceniju više, a radi se o obezbjeđivanju najosnovnijih životnih potreba, pa i o narušavanju osnovnih ljudskih prava, prava na dostojanstven život.

Ovo ne govorimo da bilo koga opravdavamo, upravo suprotno. Ovim želimo ukazati na izostanak kontinuirane, ako je potrebno i svakodnevne međusobne komunikacije između gradskih službi i Elektrodistribucije, kako bi se ovi postupci uzeli u razmatranje, prioritarno i rješavanje kao postupci od najvećeg prioriteta, jer se radi o pravima hiljada građana našeg grada. Obezbeđenje uvjeta za zadovoljavanje osnovnih životnih potreba je obavezan ne samo lokalne uprave, nego i cjelokupnog javnog sektora kojim pripada i Elektroprivreda Bosne i Hercegovine.

S toga Klub SDP-a predlaže sljedeće zaključke:

Prvo. Gradsko vijeće Tuzla traži od Elektrodistribucije Tuzla i od Gradske uprave da Gradskom vijeću u roku od 15 dana dostave pregled svih neriješenih predmeta koji se vode kod nadležnih službi Grada Tuzle, odnosno predmeta čiji podnosilac su službe Grada Tuzle a koji se vode kod Elektrodistribucije Tuzla, uz obrazloženje da li postoje i koje su prepreke za njihovo rješavanje.

Drugo. Gradsko vijeće zahtijeva od nadležnih gradskih službi da maksimalno ubrzaju rad na predmetima Elektrodistribucije Tuzla, te da se ovi predmeti uzmu kao najveći prioritet, sa posebnim naglaskom na predmete koji se odnose na izgradnju elektroenergetskog objekta Simin Han 1.

Treće. Gradsko vijeće traži od gradonačelnika Tuzle i nadležnih službi da ponovo zakažu, al evo gradonačelnik je jasno iskazao volju i predložio to, da zakažu sastanak sa predstavnicima Elektrodistribucije, sa ciljem razmatranja mogućnosti bržeg rješavanja započetih postupaka koji se odnose na postojeću lokaciju za izgradnju elektroenergetskog postrojenja Simin Han 1, a ukoliko se procijeni da će ovi trajati sporo i dugo, da zajednički pokušaju iznaći rješenje za novu lokaciju za koju se procijeni da bi moglo doći do brže i hitnije realizacije.

Što se tiče problema sa neredovnim snabdijevanjem električnom energijom naselja Orašje, Pasci, Par Selo, Ljubače, Morančani i druge koji se snabdijevaju vodovima iz Živinica, kao i drugih naselja koje smo pomenuli i koja imaju problema sa elektroosnabdijevanjem, Gradsko vijeće predlaže sljedeća dva zaključka:

Gadsko vijeće traži, tri...Traži od Elektroprivrede BiH, Podružnica Elektrodistribucija Tuzla, da hitno pristupi izradi elaborata kompletne sanacije vodova svih ugroženih područja, posebno vodova koji se napajaju iz Živinica, te da se izrada elaborata i poduzimanje mjera proisteklih iz elaborata, uzme kao najveći prioritet i uključi u Plan poslovanja Elektroprivrede Bosne i Hercegovine Podružnice Elektrodistribucije Tuzla za 2026. godinu. S obzirom da su vjerovatno ovi planovi poslovanja već usvojeni, u tom slučaju tražimo da se pristupi izmjenama i dopunama Plana poslovanja i da se ove aktivnosti planiraju kao prioritet za 26-u godinu.

Sljedeći zaključak. Traži se od elektroenergetske inspekcije Tuzlanskog kantona da provjeri u kojem je stanju elektroenergetska mreža na područjima Orašje, Par, Selo, Pasci, Ljubače, Morančani, Križani, Kolovrat, Kojšino i drugih naselja na području grada Tuzle, te da u skladu sa otvrđenim stanjem na terenu naloži elektroprivredni BiH Podružnici Elektrodistribucija Tuzla hitno provođenje mjera za normalizaciju napajanja električnom energijom ovih i drugih nasilja za koja se ustanovi nedovoljno i neredovno napajanje električnog energijom.

Sljedeći posljedni zaključak. S obzirom da rješavanje problema redovnog snabdijevanja električnom energijom tuzlanskih naselja u mnogim aspektima, prije svega finansijskim, prevazilazi mogućnosti i nadležnosti Elektrodistribucije Tuzla, Gradsko vijeće traži da se sa svim zaključcima vanredne sjednice Gradskog vijeća upozna rukovodstvo Javnog preduzeća Elektroprivreda BiH, te da se zajedno sa Elektrodistribucijom Tuzla očituje o mogućnostima i eventualnim rokovima njihovog rješavanja. Dok se rješavanje ovih problema ne pristupi prioritetno i sistemski, bojimo se da će se samo nastaviti pisati dopisi zahtjevi, urgencije, kao i prethodnih deset i više godina. Gradsko vijeće Tuzla, mi ovdje prisutni vijećnici i vijećnice kao predstavničko tijelo koje su izabrali građani, imamo dužnost i mandat zastupati interese naših građana i zahtijevati o nadležnih i hitno rješavanje problema sa kojima se godinama suočava nekoliko hiljada građana ovog grada. Naš osnovni mandat je tražiti poštovanje osnovnih ljudskih prava i zadovoljavanje osnovnih ljudskih potreba svih naših građana i to ovim putem i činimo. Hvala.

ANA PEJIĆ

Zahvaljujem se. Sljedeći za riječ javio se vijećnik Senad Mehmedinović, a neka se pripremi vijećnik Dejan Kovačević. Izvolite, Senade.

SENAD MEHMEDINOVIĆ

Hvala najljepša poštovana predsjedavajuća, zamjenice, predsjedavajuće, predstavnici službi elektrobistriucije, poštovani gradonačelnice, mediji, vijećnici. Pa ja mislim da smo danas u stvari ovdje mogli vidjeti koji je jedan od ključnih problema a to je nedostatak komunikacije i velika potreba onih izlagača da nas ubjede da je svako sa svoje strane uradio dobar posao i čestitam na tome na lijepom prezentovanju, na lijepom urađenom a za rezultat imamo to da nam danas sjede ovdje predstavnici Mjesne zajednice Simin Han koji jednu deceniju skoro dakle, deset godina imaju problema sa električnom energijom. Prvi korak je ovdje učinjen, a to je bio korak elektrodistribucije, zato što je ona morala da nađe parcelu. Međutim, smatram da je možda na početku napravljena jedna greška, a to je sa izborom placa, odnosno smatram da je prije odabira trase i placa trebalo otići u Službu za geodetsko-imovinsko pravne odnose i vidjeti uvid u imovinsko stanje kako bi se provjerilo šta je rješivo, a šta ne. I pazite, u svemu sad ovome ispaštaju građani Simin Hana. Ovo ovdje potvrđuje isto jedan fenomen u Federaciji Bosne i Hercegovine a koji se naziva ping-pong. To jest prebacivanje predmeta sa jedne strane na drugu, a u ovom slučaju ona ping-pong loptica budu građani, a u ovom slučaju su građani Mjesne zajednice Simin Han. Oni trpe učestale prekidu u snabdijevanju električnom energijom. Dobro je, gospodin Senad govorio, šta ćemo mi sa građanima kod koji su stradali uređaji? Deset godina je to u kontinuitetu. Šta ćemo mi sa građanima koji u Simin Hanu imaju grijanje na pelet, na struju, gdje je neophodna električna energija i dešava im se ovo što deš...Pital ih ko, kako se oni nose sa ovim stvarima? Pital ih neko kako se nose sa stvarima da pripreme dakle, osnovne stvari, životne aktivnosti, ručak, bilo šta drugo? I traje deset godina. Koje je trenutno stanje, ono što smo mi kao Klub mogli da vidimo, a to je da postoji važeći inspekcijski nalaz koji kaže da postojeća trafostanica od 630 kilovatampera nije dovoljna za potrebe Mjesne zajednice Simin Han, odnosno za njihove građane. Dakle, neophodna je izgradnja nove trafostanice, dimenzija također do 630 kilovat ampera i planirani tzv. kako se to u struci nazove transformator od 400 kilovatampera. Naravno uz mogućnost jačanja i sa time bi se počeli rješavati problemi građana mjesne zajednice Simn Han. Dakle, ovo je jedno od racionalnih rješenja za problem i mi ćemo njih naravno predložiti i zaključnicima. Dalje, ova predložena trasa, projekat, dakle nije problem u njemu, nego u parcelama, odnosno imovinsko-pravnim odnosima. Mi smo kao vijećnici dobili ove dokumente od strane elektrodistribucije i od strane službi i vjerujte mi vi kad uđete u tu materiju samo budete Alisa u zemlji čuda. Dakle, ne možete da se snađete o toliko informacija, a trebaju građani da bude, da bude njima jasno. Dakle, imam potrebu da kažem jedan samo kratki hodogram kako smo mi shvatili ovo i u čemu je taj ključni problem. Dakle, nije tačno samo da je 2016. god...2016. godine jest pokrenut projekat, ali od 2009. godine, kad nije baš bilo kompjutera, tada su, a ja sam vidio te dokumente pisane, građani ručno pisali i ukazivali 2009. godine problem sa strujom u mjesnoj zajednici Simin Han. Dakle, nije to više ni decenija. Odo smo na 15-16 godina. Dakle, elektrodistribucija je uradila projektni zadatak i prosljedila je isti gradskoj upravi, odnosno nadležnoj službi, da se dobije urbanistička saglasnost, a urbanistička saglasnost ne rješava vlasništvo. Naravno, može se postaviti pitanje zašto je od 2016. do 2022. godine trajalo šest godina da se izda urbanistička saglasnost, a moram da kažem zbog građana koji slušaju da se urbanistička saglasnost izdaje onda kada su ispunjeni svi propisani uslovi. Dakle, urbanistička saglasnost se ne može izdati bez ispunjavanja određenih uslova, a onaj koji je inicirao je investitor, je mijenjao neke, neke stvari. Nakon toga, kada je dobijena saglasnost, onda je elektrodistribucija nakon odluke o javnom interesu koja je donešena na sjednicama Gradskog vijeća, mislim u prošlom sazivu, podnijela službi predlog za eksproprijaciju i mi imamo tu ogroman problem, a to jest zbog vlasništva. Šta se dešava? Dešava se to da građevinska dozvola nikad nije mogla biti zatražena zato zbog nerješanih imovinsko pravnih odnosa i šta imamo sad? Ovo je veoma bitna

stvar. Imamo sad da je saglasnost, ako se ne varam, a neka me isprave predstavnici službi, istekla. Dakle, nemamo aktivnog postupka, sve se mora pokrenuti ponovo, ako se ne varam, i šta u konačnici imamo? Imamo da građani ostaju bez rješenja. Građani Mjesne zajednice Simin Han čekaju deset godina, problem onaj, poznat, dokumentovan, ali je operativno blokiran pogrešnim izborom lokacije prema mišljenju Kluba vijećnika NL „Sloboda“. Shodno tome, mi predlažemo zaključke, koje ću vam ja, Slađana, dostaviti, a pročitacu radi zapisnika.

Gradsko vijeće Grada Tuzla utvrđuje da je pronalazak nove lokacije za izgradnju trafostanice Simin Han 1 na zemljištu sa jednim ili jasno definisanim vlasnikom najefikasnije i najbrže rješenje s ciljem izbjegavanja dugotrajnih i složenih imovinsko-pravnih postupaka.

Gradsko vijeće Grada Tuzla utvrđuje da Elektrodistribucija Tuzla odgovorna za obezbjeđivanje odgovarajuće lokacije za izgradnju trafostanice Simin Han, dok je Gradska uprava Grada Tuzla odgovorna za izdavanje neophodnih urbanističkih, građevinskih i drugih dozvola u skladu sa važećim propisima.

Gradsko vijeće Tuzla zadužuje Javno preduzeću Elektrodistribuciju Tuzla da u roku 30 dana predloži jednu ili više alternativnih parcela sa riješenim ili jednostavnim vlasničkim statusom, dostavi tehničko obrazloženje izbora lokacije službi.

Gradsko vijeće nalaže da se prilikom izbora nove lokacije prednost da i ovdje podvlačimo i boldirano pod broj 1, zemljištu u vlasništvu Grada Tuzli. Zatim, zemljištu sa jednim vlasnikom ili jasno riješenim i riješivim vlasništvom. Lokaciji koja omogućava najkraću i tehnički, najjednostavniju trasu priključnih vodova. Po pronalasku nove lokacije, Gradsko vijeće Tuzla traži od Elektrodistribucije Tuzla da bez odlaganja prilagodi idejno i glavno projektno rješenje novoj lokaciji, pokrene postupak izdavanja potrebnih saglasnosti po ubrzanoj proceduri.

Gradsko vijeće nalaže da se u roku od 45 dana dostavi Gradskom vijeću konačan predlog lokacije, plan realizacije sa rokovima za izgradnju trafostanice.

Gradsko vijeće predlaže da se do okončanja postupka eksproprijacije, ukoliko se nastavi to, nađe rješenje podzemnih vodova od parcele na kojima je planirano postavljanje trafostanice do priključaka. Trenutno predloženo rješenje su nadzemni kablovi koji prelaze preko parcela za koje se vodi postupak eksproprijacije i gdje je teško i dugotrajno rješavanje imovinskih odnosa. Podzemni vodovi vam bi moglo ići u putnom pojasu postojeće ceste.

Gradsko vijeće predlaže elektrodistribuciji da prije odabira trase infrastrukturnog projekta dođu u Službu za geodetske poslove i planove i izvrše uvid u imovinsko stanje kako bi vidjeli šta je rješivo brzo, a šta ne. Veoma je bitno da naglasim da ove zaključke koje sam pročitao i sad ove sljedeće, da su oni usaglašeni sa predstavnicima građana Mjesne zajednice Simin Han. Dakle, nisu oni samo prijedlog Kluba vijećnika NL „Sloboda“, nego smo mi imali sastanak sa predstavnicima građana Simin Han i zajedno smo usaglasili i predlažemo ove zaključke. Dakle, bitan zaključak. Ukoliko dođe do odugovlačenja, nepoštivanja rokova ili nerealizacije usvojenih zaključaka, odgovornost za dalje posljedice snose nadležni subjekti, a građani Simin Hana će u skladu sa zakonom biti primorani da svoja prava ponovo traže putem mirnih protesta, gdje ćemo ih mi kao Klub vijećnika definitivno podržati kao što smo podržali prije.

I Gradsko vijeće Grada Tuzla u cilju efikasne realizacije projekta izgradnje trafostanice Simin Han 1, zadužuje i gradonačelnika Grada Tuzla i da u saradnju sa Elektroprivredom BiH, Elektrodistribucija Tuzla, imenuje zajedničkog koordinatora projekta koji je zadužen da prati realizaciju svih aktivnosti vezanih za obezbjeđivanje lokacije, izdavanje dozvola, izgradnju trafostanice Simin Han 1.

I predsjedavajuća ako mogu još minutu? (ANA PEJIĆ - Može izvolite. Može, može.) Hvala najljepša. Da pozdravim predstavnika Mjesne zajednice Pasci, koji je ovdje iznjeo problem koji sam ja počeo da ukazujem na prvoj sjednici ovog Gradskog vijeća. I ono što mogu da kažem jest da, nakon Simin Hana, vidi se da problem sa strujom nije izuzetak, nego da je to

obrazac. Ja zaista ne znam šta se dešava sa ovim preduzećima. Nije mi jasno. Mi smo u ovom sazivu, da tako kažem, odbranili Tuzlu od nekih eksperimenata. Odbranili smo je. Evo nas svi ovdje sjedimo. Podnosili smo nešto i tužilaštu. I sad imamo problem sa strujom. Dakle, ja u potpunosti podržavam prijedloge zaključaka koje je dostavio Klub vijećnika Naša stranka, a ukazivao sam to na prvoj sjednici Gradskog vijeća, a tiče se ovog zapadnog dijela mjesnih zajednica. Dakle, to su Mjesne zajednice Husino, Kiseljak, Ljubače, Pasci i Par Selo. Dakle, tih pet mjesnih zajednica sa svojim naseljima teritorijalno pripadaju gradu Tuzli, ali struja je u Elektrodistribuciji Živinice. Znači, koliko Simin Han ima problema u svojoj mjesnoj zajednici, 25-30 godina ove mjesne zajednice imaju problem. Ja ne znam šta se tu dešava. Da li je to, zbog toga kad dođe do...Pa pazite, malo veći vjetar, nestane struje. Malo krupnije pahuljice, ne snijeg, pahuljice, nestane struje. Da li je to kazna zato što ovih pet mjesnih zajednica teritorijalno pripadaju gradu Tuzli, a kroz Elektrodistribuciju Živinice ja ne znam. Ne želim da ulazim u to. Ali želim da zaključim svoju diskusiju sa prijelogom dva zaključka vezano za ovaj zapadni dio grada i ovih mjesnih zajednica. Dakle, veoma je ključno da znamo da je to pet mjesnih zajednica sa svojim naseljima, a to je da.

Gradsko vijeće Grada Tuzla zadužuje Elektroprivredu BiH dd Sarajevo da putem nadležnih organizacionih jedinica Tuzla i Živinice u roku od 30 dana dostavi jedinstven objedinjen izvještaj o stanju elektroenergetske mreže na području grada Tuzla i uključujući tehničko stanje mreže, razloge čestih i višednevnih prekida, identifikaciju kritičnih dalekovoda i trafostanica i plan kratkoročnih i dugoročnih mjera sanacije i modernizacije. I dva.

Gradsko vijeće Grada Tuzla inicira pokretanje postupka razmatranja teritorijalne reorganizacije elektrodistributivne mreže s ciljem da mjesne zajednice koje administrativno pripadaju gradu Tuzla budu u nadležnosti Elektrodistribucije Tuzla, a ne drugih poslovnica. U tom smislu, Gradsko vijeće zadužuje gradonačelnika da uputi zvaničnu inicijativu Elektroprivredi Bosne i Hercegovine, zatraži stručno i pravno mišljenje o mogućnostima reorganizacije i izvesti Gradsko vijeće o rezultatima.

I za kraj da kažem da ovo vijećničko pitanje koje sam postavio elektroprivredi, odnosno elektrodistribuciji, a smatram kakav odnos imaju prema predstavnicima građana jest da ni do dan danas nisam dobio odgovor na vijećničko pitanje. Hvala lijepo.

ANA PEJIĆ

U redu. Zahvaljujem se. Sljedeći za riječ javio se vijećnik Dejan Kovačević, a neka se pripremi vijećnik Omer Berbić. Izvolite Dejane. Samo malo, izvinjavam se Dejane, prije nego što vi, vijećnik Muhamed Čikarić ovaj, vidim znam da ste se javili, međutim, ispred vašeg Kluba je se javio vijećnik Šefik Husić, pa ovaj, on kao predsjednik Kluba a vi ćete kao vijećnik svakako. Izvolite Dejane.

DEJAN KOVAČEVIĆ – vijećnik HDZ – BiH Hrvatske demokratske zajednice Bosne i Hercegovine

Hvala predsjedavajuća. Evo prije svega da pozdravim vas, do predsjedavajućeg, tajnika Gradskog vijeća, sve kolegice i kolege vijećnike, gradonačelnika, predstavnike službi Grada Tuzla, predstavnike elektrodistribucije Elektroprivrede Bosne i Hercegovine, predstavnike građana Mjesne zajednice Simin Han, Pasci i drago nam je što ste večeras ovde s nama, predstavnike medija i sve goste.

U svakom slučaju evo ja sam htio da pozdravim aktivnosti građana Mjesne zajednice Simin Han što su pokrenuli ovo i što smo danas ovde, što pričamo o ovom problemu, međutim imaju naravno ispred kluba HDZ-a Bosne i Hercegovine punu potporu u tom smjeru,

međutim večeras sam ja se htio da osvrnem, evo košto su predhodne kolege prije mene rekle, na dugogodišnje probleme i u ostalim mjesnim zajednicama. Pošto ja dolazim iz Mjesne zajednice Ljubače, gdje i stanujem i na osobno i na svojoj koži evo i u svom životu mogu osjetiti svakodnevne prekide u napajanju električne energije ja ću se samo hronološki osvrnuti kroz par problema ili aktivnosti koje smo mi, evo ovih pet mjesnih zajednica koje ću spomenuti i informaciju o dugogodišnjim problemima u Mjestnim zajednicama Par Selo, Pasci, Ljubače, Husino i Kiseljak, pa ću evo hronološki proći samo kroz probleme aktivnosti koje smo uradili. Problemi s opskrnom električnom energijom u pomenutim mjesnim zajednicama su dugogodišnji, a slobodno se može reći više decenijski problem. Ne samo od rata ka ovamo, evo kao i prije rata.

Ovo su jedine mjesne zajednice na području grada Tuzle koje su administrativno pripadaju Tuzli, a u snabdijevanju električne energije pripadaju poslovnici Živinice, što stvarno izaziva velike probleme. Elektroprivreda nakon rata nije vršila nikakva ulaganja u elektroprenosnu infrastrukturu pomenute mjesne zajednice. A mogu slobodno reći i na druge, rubne jer susrećemo se s problemima od Gornje Obodnice, Čanića, Donje Obodnice, pa evo i do Pasaca, Simin Hana i Požarnice, pa nadalje. Znači rubne mjesne zajednice su stvarno zapostavljene po ovom pitanju. A na svaki prekid napajanjem električnom energijom elektroprivreda je nestanak električne energije pravdala kvarovima i elementarnim nepogodama dok su korisnici strpljivo čutili i trpjeli štetu.

Mi danas ovdje raspravljamo o snabdijevanju električnom energijom građanima, a živimo u 21. vijeku, što je apsurd. Ljudi se bave nekim drugim stvarima, tehnologijama, telemedicinom i slično, a mi raspravljamo o snabdijevanju električnom energijom građanima. Prilikom bilo kakve blaže vremenske nepogode, da li to bio vjetar, jača kiša, a da ne pominjemo i snijeg, u pomenutim mjesnim zajednicama, a u pogotovo u naseljima Orašje, Par Selo, Pasci Gornji i Donji, Morančani, Ljubače, dolazi do prekida napajanja električnom energijom. I to je ne tako ovaj, i to je jako učestalo i nevezano za godišnja dogoda. Jedan od najdužih prekida napajanja električnom energijom dogodio se 2020. godine u 12. mjesecu. Od kraja 12. mjeseca od prije Božića do iza nove godine. To ima i dokumentovano. Tako da ovi ljudi koji slave blagdane nisu mogli ni proslaviti što kažu kako treba. Trajanje prekida je bilo preko 40 sati, a ove godine se to ponovilo isto. Stanovnici ovih mjesnih zajednica su se organizirali u protestno okupljanje prije par godina na Ljubačama, kako bi ukazali na neizdrživo stanje i totalno zapuštenu niskonaponsku visokonaponsku mrežu. Kako je okupljanje bilo medijski dobro praćeno i prezentirano, formiran je i odbor od predstavnika građana ispred ovih mjesnih zajednica koji i danas dan djeluje i koji vodi aktivnosti oko rješavanja niza problema u naseljenim mjestima i Ljubača, Morančana, Par Sela i drugih.

Nakon protestnog okupljanja u Ljubačama prvi zvanični sastanak sa predstavnicama ove grupe održan je 05.01. dvadesetprve godine. Dogovorena je žurna sanacija i rasjecanje i zamjena dotrajalih stubova na dalekovodu kao i interventna sanacija niskonaponske mreže na devedesetak krakova, a te aktivnosti su tada i započete, međutim nikada nisu u potpunosti završene. 12.01. dvadesetprve godine izvršena je prijava Kantonalnoj inspekciji elektroenergetskom inspektoratu Tuzla koji je 15.02. dvadesetprve dostavio obavijest u kojoj je navedeno da su izvršena mjerenja i da su rezultati mjerenja napona pokazali da su na ovoj mreži u određenim periodima dana izvan propisanih vrijednosti. Takođe je navedeno da je u toku izrada elaborata sanacije mreže samo za Pasce i Petrovice i da sanacija treba da bude gotova do kraja 2022. godine. Znači, plan niti je izražen za Mjesnu zajednicu Par Selo niti Pasci, niti je saniran problem nesporno utvrđen inspeksijskim nadzorom u drugom mjesecu 2022. godine.

Imenovani odbor zakazao je i sastanak sa gradonačelnikom Tuzle sa zahtjevom da se ove tuzlanske mjesne zajednice priključe Elektrodistribuciji Tuzla, što je i podržano od strane gradonačelnika Tuzle i ovom prilikom mu se zahvaljujem, i poduzete su onaj, određene

aktivnosti, ali je elektrodistribucija taj zahtjev odbila. Elektroprivreda započne neke aktivnosti kako bi građane obradovala početkom, no to se ubrzo zaustavi i korisnici u ovim mjesnim zajednicama strpljivo trpe posljedice i bivaju razočarani svaki put. U međuvremenu je imenovani odbor održao niz sastanaka sa predstavnicama elektrodistribucije, pogotovo sa predstavnicama poslovnice Živinice, na kojima je rukovodstvo elektrodistribucije uvijek imalo priču da imaju planove, da rade, da pominju tešku finansijsku situaciju, javne nabavke, Sarajevo centralu, nemaju dozvole, imovinsko-pravne odnose i sl. Međutim, i pored dugogodišnjeg napora i obećanja njihovih planova i obećanja, za rezultat imamo nestanak električne energije, evo sad smo imali priliku od Božića do nove godine, neki ljudi nisu imali električnu energiju 72 sata, a neki i duže. I ove informacije su znači, zaključno sa 07.01. ove godine.

Još uvijek nije osigurana 100% električna energija u svim dijelovima pomenutih mjesnih zajednica. Pazite, interesantan je podatak da prilikom prethodnog prekida napajanja električnom energijom, jedan od žitelja mjesne zajednice Par Selo koji je inače po struci električar i koji ima mjerne uređaje primijetio je dolaskom u jednom trenutku električne energije da mu je crkla klima, da mu je crkao televizor, da je se iz računara zapušilo i kad je izmjerio napon, izmjerio je napon preko 300 volti. Sve je dokumentovao evo, prijavio nadležnoj instituciji, međutim i pored prijava i pored dostavljenih dokumenata i argumenata i dokaza o ovome se elektrodistribucija nije javno izjasnila pa se vraćam i referiram na ovo što je predstavnik građana iz Simin Hana rekao. Dokle i kako? Šta je sljedeći korak građana? Ko će snosit odgovornost? Ko će snosit odgovornost ako ljudima propadne 50, 60 kilograma mesa u zamrzivaču? Kad im crkne televizor, klima i sl. Kako će naplatiti tu štetu?

Bez obzira na dobru volju i niz održanih sastanaka predstavnika građana pomenutih mjesnih zajednica Par Selo, Ljubače, Par Selo, Pasci, Kiseljak, Husino situacija se ne mijenja a riječ je o naseljima u kojima se nikada od rata nije izvršena kvalitetna analiza stanja, a o rekonstrukcijama mreže elektrosnabdijevanja se teško može govoriti. Apsurd je da je na teritoriji mjesne zajednice Husino i Kiseljak dijelom i Kreka, nalazi se termoelektrana koja proizvodi struju ovaj, a građani nemaju struje, pogotovo za blagdane. Zanimljiv podatak da je javno objavljen 06.01. dvadesetprve godine i da građani Bosne i Hercegovine svaki mjesec uz račun za struju plaćaju naknadu za proizvodnju električne energije iz obnovljenih izvora, te da je za 6 godina od 21.godine uplaćeno najmanje 207 miliona maraka koje su entitetske vlasti podijelile uglavnom privatnim firmama kao podsticaj za proizvodnju čiste struje. Postavlja se pitanje. Zar se ne može dio tih sredstava koje uplaćuju građani, korisnici preusmjeriti na sanaciju i rekonstrukciju mreže za snabdijevanje električnom energijom? Žitelji ovih krajeva nemaju uredno snabdijevanje električnom energijom, a samim tim i vodom, jer ljudi električna energija napaja i pumpe, pumpe za vodu, tako da nema struje, nema vode. (ANA PEJIĆ - Molim vas samo vodite računa o vremenu.) Još minuta predsjedavajuća, ispričavam se. Zbog pumpnih stanica i da je svako plansko isključenje u ruralnim mjesnim zajednicama (nerazgovjetno izgovorena riječ op.a.) vikendom i sa dužim trajanjima u odnosu na gradske mjesne zajednice. Sve je dokumentovano. Žitelji pomenutih mjesnih zajednica su primoravani kupovati agregate ili koristiti druge alternativne načine snabdijevanja i korištenja električne energije. Pa ljudi sebi kupuju solarne panele, ulažu po desetine hiljada maraka bez ikakvog razloga, a imaju elektrodistributivnu mrežu, ali nema struje, bez da im se uplati bilo kakva naknada ili subvencija od elektroprivrede i elektrodistribucije, a živimo u 21. stoljeću bez adekvatnog napajanja električnom energijom.

Stoga, zbog svega navedenog, predlažem sljedeće zaključke, bit ću brz, Slađana dostavit ću vam meilom.

Gradsko vijeće Tuzla traži od nadležnih institucija i elektrodistribucije da se ponovo izvrši inspekcijski nazor elektromreže niskonaponske i visokonaponske i izmjeri naponske vrijednosti elektromreže u Mjesnim zajednicama Par Selo, Pasci, Ljubače, Husino i Kiseljak.

Gradsko vijeće traži od nadležnih institucija da se sačini detaljna i javno dostupna analiza stanja kompletne elektroenergetske mreže u mjesnim zajednicama koje sam pomenuo, sa posebnim akcentom na dalekovode.

Gradsko vijeće Tuzla traži od nadležnih institucija da se sačini plan sanacije i rekonstrukcije, kao i otklanjanje problema i kvarova sa detaljnim vremenskim okvirima za mjesne zajednice Par Selo, Pasci, Ljubače, Husino i Kiseljak.

Gradsko vijeće Tuzla traži od nadležnih institucija da se preventivno pregleda cijela trasa elektromreže i preventivno posjeku stabla i granje koje su potencijalna smetnja elektromreže u Mjesnim zajednicama Par Selo, Pasci, Ljubače, Husino i Kiseljak, a koji su evidentni na terenu.

Gradsko vijeće Tuzla traži od nadležnih institucija da se planska isključenja električne energije dogovaraju sa savjetima Mjesne zajednice Par Selo, Pasci, Ljubače, Husino i Kiseljak da bi se građani adekvatno mogli pripremiti na iste.

I ne bi da se ponavljam sa ostalim zaključcima koji su kolege prije mene iznijeli, jedan od njih je evo, znači što je Senad iznio, da se pokrenu aktivnost ispred Grada Tuzle i nadležnih institucija, da se ovih pet mjesnih zajednica fizički mrežom odvoje od Elektrodistribucije Tuzla poslovnica Živinice i da se prispoje na poslovnicu Tuzla. Hvala.

ANA PEJIĆ

Zahvaljujem se prije diskusije vijećnika Omera Berbića, poslovnička, vijećnik Šefik Husić, izvolite.

ŠEFIK HUSIĆ – vijećnik SDA – Stranke demokratske akcije

Evo ovako ja pozdravljam sve, a vas presjedavajuća molim, obzirom da je usvojen dnevni red Sedme vanredne sjednice Gradskog vijeća Tuzla, Razmatranje informacije u vezi sa realizacijom odluke Grada vijeća Tuzla o utvrđivanju javnog interesa za izgradnju elektroenergetskog objekta pod navedenim brojem Simin Han 1 sa priključnim iznosom znači, u kilovatima srednjenaponskim vodom na lokaciji Simin Han u gradu Tuzla itd. Znači dajte, molim vas da se držimo teme, nemojte da se smijemo ljudima u lice, ljudi imaju problem koji je urgentan i dajte da se vratimo na temu. Imali smo izlaganje ovog čovjeka gdje trebamo vezati diskusiju, čovjek je rekao znači tamo onaj, da nemamo problem, dajte, molim vas, evo vas predsjedavajuća molim vratite ovo na temu. (ANA PEJIĆ - Apsolutno vas razumijem vašu...Završite, završite.) Pa smijemo se ljudima u lice, nemojte da to radimo.

ANA PEJIĆ

Ako ste završili, samo ću podsjetiti sve vijećnike da je Kolegij, vanredni Kolegij za vanrednu sjednicu Gradskog vijeća Tuzla održan 05.01. i na tom Kolegiju je bilo prijedloga za dopune dnevnog reda o stanju sa mrežom ovom elektroenergetskom i u ostalim mjesnim zajednicama. Međutim, po našem Poslovniku nemamo mogućnost dodavanja i dopuna dnevnog reda kad su u pitanju zahtjevi...(ŠEFIK HUSIĆ - Što znači da kršimo Poslovnik i dajte, molim vas, da se vratimo...) Samo malo, bez upadanja, molim vas bez upadanja, molim vas bez upadanja u riječ. (ŠEFIK HUSIĆ – Dajte da se vratimo na temu molim vas. Mislim pustite tu politizaciju, smijemo se ljudima u lice.) Molim vas, bez upadanja u riječ. I na Kolegiju je jednoglasno prihvaćeno da će diskusije vijećnika biti vezane i za ostale mjesne zajednice, a ne samo za Mjesnu zajednicu Simin Han, jer je ovo prilika na kojoj su prisutni i predstavnici elektrodistribucije i predstavnici nadležnih resornih službi.

Sljedeća diskusija, vijećnik Omer Berbić, izvolite Omere.

OMER BERBIĆ – vijećnik Naše stranke

Fala ljepo. Ja imam osjećaj da je ovo kompletno dana što smo mi slušali mogo biti jedan malo ozbiljniji sastanak u Gradskoj upravi. Osim ova zadnja dva izlaganja predstavnika mjesnih zajednica koju apsolutno ljude podržavam o čemu pričamo. Ovaj je meni poslo ovo, ovaj je meni dao ovo, ovaj je meni dao, ovdje urgencija, mi smo vamo, mi smo tamo. Pa ljudi, ovo bi trebao biti jedan sastanak, sjest razriješiti pitanje. Ovdje je jedino gradonačelnik dobro reko, nemojte ba, vraćate se deset godina unazad ljudi u četiri godine termoelektranu prva dva bloka završili mi ne možemo elektronenergetski kabal da postavimo. Dobro je ovo, gradonačelnik reko, sjedite, završite poslo, napravite nam rješenje i da idemo nazad. Nemojte da se vraćamo. Ko je kriv? Svi su krivi, država je kriva, imamo, evo, imamo, nažalost, takvu državu kakva jest da ne možemo kabal da postavimo deset godina. Ljudi napravili Koksaru, Ditu, Polihem, nema šta nisu napravili u deset godina. Pa strašno je ovo što ja danas slušam. Podsjeti me na onaj klip ko je gledao, ko prati ove društvene mreže, ono, Atkine matere čojk, pa je bio od ovog zet, od ovog punac, od ovo ono, od ovo ono. I sad, ovaj je u radio ovo, mislim, apsurdno je. Imamo sve informacije ovdje, a jako je teško pofatati. Sad, meni će neko reći da ja nisam, da sam malo i emotivan, da se zaobilaze neki zakoni, šta ja znam, neću da ulazim u to. Ali dajte ljudima građevinske za ove parcele koje nisu, koje nemaju imovinsko-pravni odnos, ove koje imaju imovinsko-pravni problem, ja sam siguran da će se elektroprivreda snać kako tu da napravi rješenje. I ovdje je suština problema, po meni, potpuno ignorisanje mjesne zajednice. Apsolutno ignorisanje mjesne zajednice. Ovo je jedna od mjesnih zajednica koja je aktivna, vidimo ljudi su tu, napravili su proteste, na protestima je bilo više stotina ljudi. Znači u ovoj mjesnoj zajednici živi mjesna zajednica. Neću ulaziti, kakav je savjet, savjete postavljamo ovako politički nažalost bez izbora, ali da ne ulazimo u izbore, otićemo daleko.

Znači, otiđite ljudi do mjesnih zajednica gdje imate problem sa imovinsko-pravnim odnosima, nek vas ovi ljudi provedu do komšija, da vidimo, zamolite komšije, možemo proći kroz vašu parcelu, ako je vama čista komšija, i vama je ovo rješenje da se, da se, da se završi. Uzmite za ruke, prošetajte mjesnom zajednicom, ne može se sve preko GPS-a i preko Google Mapsa rješavati. Mislim, ja cijenim ovaj pokušaj i razumijem i što ljudi kažu, kako je vodovodna mreža prošla, mi ne možemo, ja sve cijenim, ali evo, deset godina, stvarno imamo problem. I nije samo ovdje problem, dobru je ideju reko i svi, i na Kolegiju smo zauzeli takve stavove. Mi smo dobili dopis, mi smo vama poslali kao Klub dopis gdje se ljudi pozivaju da evo u ovim mjesnim zajednicama, znači Orašje, Par Selo, Brda, Pasci, Petrovice, Ljubače, Morančani, Smajići, pa sam ja bio i u željeznicama, željeznice naše, željeznice državne imaju problem sa električnom energijom, ljudi to je strašno. Željeznice moraju agregat paliti tamo u svoju ispostavu na Šićkom Brodu i X, Y smo ovdje i Husino, ne znam ni ja, pa mi smo svi država, mi smo ovdje predstavnici države, ako se mi ne možemo dogovoriti šta da se očekuje od građana. Sjedite ljudi, napravite sastanak, ako treba, svaki drugi dan napravite sastanak dok ne nađete rješenje. Ovdje su se dovukli ljudi, mediji, predstavnici službe, mi, svi nas je sto ovdje da raspravljamo o nečemu o čemu uopšte ne bi trebalo da raspravljamo, jer je ovo država nažalost apsurdna. Da me ljudi ne shvate, razumijem, apsolutno nakon deset godina ne samo proteste, razumijem, čudim se njihovom saburu, kako su ostali mirni na tim protestima.

I ovdje se sad postavlja, evo jedno pitanje. Ovdje ljudi navode kod ovih mjesnih zajednica, bandere su često truhle, improvizovano vezane ili naslonjene na stabla, improvizovano vezane bandere, pa dobro, nama cijeli grad nije izgorio. Dajte i ova elektroprivreda Živinice, stvarno, ako je ovo problem, de s njima, s ljudima treba se sjesti, žao mi je što ih nema ovdje, treba sjesti s Elektroprivredom Živinice i s njima riješiti. Ako vi ne možete, prebacite nama, daj da nađemo neko rješenje, evo naša elektroprivreda je iskazala, spremnost, kažu 28 predmeta. Prebacite nam i ovo, nek' bude 29. predmet ljudima, ove truhle bandere zamijenite, ako je to problem taj. Ja ne mogu da vjerujem da o čemu mi pričamo i zašta

pravimo vanrednu sjednicu iako je razumijem. Ovo je za mene strašno i Deo je dobro spomenuo, ne samo ne utiče to samo na struju utiče to i na vodu, utiče na sve. Mislim, na zdravlje, na bilo koji karakter o kojem mi pričamo ovo utiče. I dajte da se krene o rješenjima pričat ba, ovdje problem ovaj, problem onaj. Razumijem, ja mogu sad 301 problem u Gradu Tuzla nabrojati, ali u Gradu Tuzla sad, ako na 301 problem ima 5 rješenja, dobro je. I dobro je predstavnik mjesne zajednice reko, možel od cvjećare dol da se napravi, pa da ide putem Jale. Pa ljudi, mi smo država, de malo da se, da se angažujemo, uozbiljimo, ovo su javne firme, javna preduzeća, ljudi koji su ovdje s nama, neko, neko radi s njima, neko je kooperant, neko vam, neko tam, dajte u svom kapacitetu da sangažujemo. I obidite mjesnu zajednicu, evo predstavnika, evo, evo mogućnosti, sjedite s predstavnicima, siguran sam da nikom od komšija neće smetati bandera, jedna ili dvije, da se te parcele sporne zaobiđu, da ide kroz njihovo, pa kad se riješi pitanje tih spornih parcela, evo komšija, izvadit ćemo ti banderu, stavićemo je tamo gdje se riješilo, ali tri godine, četiri dok se premosti taj problem, vako ga riješite i završite poso. Apsurdno je da sad sto ljudi i sad mora slušati ovo što je trebo da bude jedan sastanak. Mislim, ovo sam ja i nešto sam sebi i piso, nisam htjeo da čitam jer ovo me je nako ispirisalo. Ali evo, mi smo obećali ljudima u ovim mjesnim zajednicama koje sam isto ovaj, nabrojo kao Klub da ćemo dat određene zaključke i ja se više neću javljati, ja sam se samo vako javio da svoju ogorčenost birokratizacijom ove države, ovo država da se ne zove Bosna i Hercegovina najbolje nazvati birokratija i ne može. Bosna i Hercegovina je birokratija i ne može, najbolje preimenovati je i završit poso. I nije moja nadležnost, i to može biti jedan od entiteta, nije moja nadležnost. Sramota je. Ali evo, bez obzira, na sve ovo navedeno znači, radi ovih ljudi koji su rekli da imaju strašne probleme sa naponom, sa svim ovim problemima, evo iz ovog dopisa koji su vam poslali, da ljudi govore da je od izuzetnog javnog humanitarnog značaja zato što ima starijih ljudi kojima je to potrebno za život. Mi dajemo zaključke za ove sad mjesne zajednice, zaključke za Simin Han su dale kolege i u potpunosti ih mi podržavamo i potpisali smo ovu vanrednu sjednicu zato što razumijemo problem i jedino što ne razumije kod ljudi je taj reko sam sabur koji oni imaju kod sebe da deset godina evo ovo slušaju ovaj je kriv, ovaj je kriv. Znači, iduće zaključke, slažem, mi smo to vam poslali prije tako da vi to imate već.

Gradsko vijeće Tuzla izražava ozbiljnu zabrinutost zbog dugogodišnjih i učestalih prekira u snabdijevanju električnom energijom u Mjesnim zajednicama Orašje, Par Selo, Brda, Pasci, Petrovice, Ljubače, Morančani, Smajići i također ovdje bi ja samo dodao ovaj, možda vamo i Husino i ove mjesne zajednice o kojima smo pričali.

Gradsko vijeće Tuzla zadužuje gradonačelnika i nadležne gradske službe da u roku 15 dana upute zvaničan zahtjev Elektroprivredi BiH i Elektroistribuciji Živinice za hitnu analizu stanja visokonaponske mreže na navedenom području.

Gradsko vijeće Tuzla zahtjeva dostavljanje pisanog izvještaja o tehničkom stanju mreže, sa jasno definisanim mjerama i rokovima za sanaciju, rekonstrukciju ili potpunu zamjenu dotrajale infrastrukture.

Gradsko vijeće Tuzla insistira na izradi trajnog sistemskog rješenja koji podrazumijeva potpunu rekonstrukciju visokonaponske mreže, a ne parcijalne i privremene intervencije.

Gradsko vijeće Tuzla zadužuje Grad Tuzlu da, u saradnji sa Elektroprivredom BiH razmotri mogućnost promjene nadležnosti održavanja elektroenergetske mreže na način da se održavanje preuzme Elektrodistribucija Tuzla. Ja nisam stručnjak, ovo govorim kao nestručno lice odmah da se razumijemo, možda to uopšte nije tehnički moguće.

Gradsko vijeće Tuzla posebno naglašavam humanitarni aspekt problema i zahtjeva da se u kriznim situacijama osigura prioritarna zaštita domaćinstava sa djecom, starim osobama, bolesnim, socijalno ugroženim građanima.

Gradsko vijeće Tuzla zadužuje gradonačelnika i nadležne službe da u realizaciji ovih zaključaka informiše Gradsko vijeće Tuzla u roku od 60 dana.

Znači ovo je, mislim, nešto što je iznad dnevne politike i zahtjeva zajedničko djelovanje svih vijećnika u interesu Grada Tuzla i ne samo Simin Han nego sve ove mjesne zajednice. Ja mislim da je vrijeme da jednom stavimo adakta priču o elektronaponskoj mreži i da ljudima riješimo te probleme na ove načine idite u mjesnu zajednicu rješavajte na terenu, ne može se sve iz kancelarije nažalost. I ja bih volio da se može, ne može, treba izaći malo se smrznuti, riješiti s ljudima pitanje imovinsko pravnih odnosa i to kad se riješi vratite se na problem, skinite ljudima bandere, vratite to vamo i završite poslo. Fala vam lijepo.

ANA PEJIĆ

Zahvaljujem se. Sljedeći za riječ javio se vijećnik Admir Hasanbašić, a neka se pripremi vijećnik Mirnes Ajanović. Izvolite Admiru.

ADMIR HASANBAŠIĆ – vijećnik Tuzlanske alternative

Hvala predsjedavajuća. Kolege prije mene su rekle mnogo toga i zaista ne želim se ponavljati. Ali se pitam zar su bili potrebni protesti, zar je bila potrebna vanredna Sjednica Gradskog vijeća da se otvoreno razgovara o ovom problemu? Nakon uvodnog izlaganja i direktora elektrodistribucije i predstavnika nadležnih službi jasno se vidjelo da je komunikacija jako slaba. Međutim, gradonačelnik je svojim izlaganjem spustio malo loptu i spustio tenzije to je neko moje mišljenje. I jako je bitno da je i direktor u svome izlaganju rekao, evo citiram, želim da se riješi problem i ne tražim krivca. To je ključno. Ključno je znači da se ovdje trenutno ne traži krivac, nego se traži način da se riješi ovaj problem i da napokon građani Mjesne zajednice Simin Han dobiju kontinuirano, stalno napajanje električnom energijom, a ne da imaju ove svakodnevne probleme. Kompetentan sam da govorim o problemima koji se dešavaju u Simin Hanu, jer sam uposlenik gore u Osnovnoj školi Simin Han i radim 28 godina i znam šta se dešava usljed čestog nestanka električne energije u samoj školi Simin Han i u područnoj školi Požarnica, koja također ima veliki problem. I zbog toga sam svjestan problematike i ovo zaista mora da se riješi.

Slažem se sa mnogo zaključaka koje su kolege iznijele. Svaka im čast što su se svi unijeli i dali konstruktivne zaključke, a svi se oni tiču samo jednog, a to je da se poboljša kvalitet života naših građana, ne samo u Mjesnoj zajednici Simin Han, nego i u ostalim i u ostalim mjesnim zajednicama.

Neću duljiti, neću pričati i ponavljati se, ali želim ovdje iznijeti samo dvije stvari, odnosno dva zaključka.

Jedan se odnosi na naselje Donji Čaklovići, gdje sam vidio, fotografisao drvene stubove niskonaponske koji su zaista u jako lošem stanju. Zamolio bi direktora da pošalje uposlenike, pogotovo sad nakon ovih snježnih padavina, da obide i da te stubove drvene zamijene ili armirano betonskim stubovima ili novim drvenim, jer sigurnost naših građana je ugrožena. Znači, građani me zovu jer kažem gore radim i to na nekoliko lokacija, situacija je alarmantna. To je evo do vas, znači ja sam vas izvijestio u ime građana.

Druga stvar koja će pokazati da zaista nije bilo komunikacije između Elektrodistribucije Tuzla i nadležnih službi je sljedeća: Prije nekoliko godina vijećnik Mensur Alić je na tadašnjem Opštinskom vijeću Tuzla pokrenio inicijativu za dvosmjerno napajanje električnom energijom Gornje Tuzle. Razlog toj inicijativi su bili česti kvarovi na 10 kilovotnom dalekovodu koji napaja potrošače Gornje Tuzle preko naselja Požarnica. Predloženo je da se uradi drugi krak napajanja električnom energijom od transformatorske stanice sa 110 na 10 kilovolti u Slavinovićima preko naselja Križani. U tom periodu je rađena rekonstrukcija pomenute transformatorske stanice i nije postojala mogućnost da se realizuje inicijativa. Međutim, u septembru 2018. godine izvršena je rekonstrukcija transformatorske stanice u Slavinovićima.

Bilo je to u medijima, to je zaista velika stvar za sve naše građane i tada su se stvorili uslovi za početak realizacije te inicijative. Prije dvije godine vijećnik Mensur Alić, moram ga opet napomenuti, je dobio obećanje od tadašnjeg direktora Elektro distribucije Tuzla, mislim da se preziva Salkić, da će podnijeti zahtjev za izdavanje urbanističke dozvole Službi za prostorno uređenje Grada Tuzla, jer je već odrađena trasa, urađeno idejno rješenje i obezbjeđena su finansijska sredstva. Do danas Gradsko vijeće nije dobilo povratnu informaciju dokle se stiglo sa realizacijom i ovog projekta. Znači, ovdje imamo problem takođe napajanja i, znači, građana Gornje Tuzle, svakako i sve ostalo, slažemo se, ali evo, da spomenemo i taj i taj problem.

I ja bih ovdje ispred Kluba Tuzlanske alternative predložio jedan zaključak:

Da se traži hitna informacija od Službe za prostorno uređenje i zaštitu okoliša Grada Tuzle, da li su dobili pomenuti zahtjev od Elektro distribucije Tuzla, te ukoliko jesu i ukoliko su ispunjeni uslovi i sve zakonske odredbe, da u urgentnom roku izdaju urbanističku dozvolu kako bi se realizovao ovaj projekat. Jer zaista i građani Gornje Tuzle su izloženi čestim nestancima električne energije, a moramo napomenuti da se i na tom području nalazi veliki broj firmi, preduzeća koji su veliki potrošači električne energije i pogotovo oni znači, budu jako puno oštećeni ukoliko dođe do dužeg nestanka električne energije.

I na kraju, što se tiče Kluba vijećnika Tuzlanske alternative, uvijek je radio u interesu građana i uvijek će podržati ono što je u interesu građana i podržat ćemo sve ove zaključke koje su kolege, kolege, kolege iznjеле. Evo toliko. Hvala.

ANA PEJIĆ

Zahvaljujem se. Sljedeća diskusija je vijećnik Mirnes Ajanović. Izvolite.

MIRNES AJANOVIĆ – vijećnik BOSS – Bosanske stranke

Hvala. Pozdrav svima. Ovo je evidentno birokratija i demonstracija birokratije uživo. Javna preduzeća uprava i deset godina bez komunikacije. Evidentan problem komunikacije podnescima koji je evo rezultat nije dao nikakav. Gradonačelnik isto kaže dajte alternativno rješenje. Moglo je se ovo rješavati i moralo, ali nije moglo bez protesta. Očito da kod nas ne može ništa dok ne dođe do problema. Evo sad ovdje. Otvorite bilo koji portal tuzlanski. Jedna od najčitanijih vijesti danas. Planska isključenja električne energije. Evo za 15. januar. Pa kaže Plane, Šićki Brod od 9 do 11. Interesantno da toga nema u gradu urbanom dijelu. Ovo je rubni dio. Kako to kod nas nikad ništa se ne isključi, a kod njih svaki dan? Otvorimo bilo koji drugi dan. Evo 12. januar. Četiri ulice. Svaki dan je nekakovo isključenje. Zbog čega? Plansko. Planira se. I to su najčitanije vijesti. Ne bih ja o detekciji problema, jer je već rečeno. Osnovni problem je nekomunikacija. Trebali su razgovarati. Imali su prostora a nisu. Eto građani su ih sad natjerali da razgovaraju. Pa i nas. Mi imamo ove informacije o stanju elektroenergetske mreže koju dobijamo od strane elektro distribucije al nije bio problem naznačen na ovaj način da oni imaju evo ovaj desetogodišnji problem ili da evo ne mogu dobiti potrebne dozvole. Stanje jeste problematično. Ovdje smo čuli da kao komšija da pusti da se stup stavi privremeno. To neće niko dat. Ne postoji neko ko će pomjeriti deset centimetara svoju ogradu da bi put bio malo širi. To je tako. Rijetko ćete naći takvog čovjeka. Ja ga još nisam našo kroz sudske predmete. Hoće sjekrom izaći pa komšiju ili brata napast, ali tih deset centimetara ne da. A da stub stavite u njegovo dvorište, to neće niko dati. Dakle, iluzije na stranu. Ovdje mora biti konkretno rješenje i kriv je jedan čovjek. Sad ću malo bit nako, hajde malo Tesla. Ja što je umro. Trebo je napraviti ovo bežično prenošenje električne energije i danas ne bi imali problem. Danas moramo kablo provući. Ili pozemno ili nadzemno. I problem jeste ne samo Simin Han i dogovorili smo na Kolegiju da imamo mogućnost reći i o ostalim mjesnim zajednicama niskonaponska mreža i u samom Simin Hanu i u ostalim ovim rubnim mjesnim

zajednicama je problem. Nećemo pametovat. Ne vrijedi nego evo, zaključci. Dostavit će se elektronski. Prvi. Gradsko vijeće konstatuje da je Odluka o utvrđivanju javnog interesa za izgradnju trafostanice „Simin Han 1“ donesena 15.9.dvajsdruge, ali da ista do danas nije realizovana, iako aktivnosti Elektrodistribucije Tuzla traju još od šesneste godine, što predstavlja ozbiljan propust u zaštiti javnog interesa i sigurnosti građana. Dva. Gradsko vijeće Tuzla zadužuje gradonačelnika i nadležne gradske službe da, u saradnji sa Elektrodistribucijom Tuzla i Elektroprivredom BiH, do januarske sjednice Gradskog vijeća Tuzla zakazane za 28. januar dostave prijedlog konkretnog, operativnog i vremenski definisanog plana, koji mora obuhvatiti: rješenje putem druge lokacije realizacije projekta na efikasan način, jer proces eksproprijacije traje dugo i neizvjestan je ishod, privremene tehničke mjere obezbjeđenja električne energije do konačnog rješenja. Ljudi se, ovo je samo još komentar snabdijevaju produžnim kablovima. Ali dakle, do konačnog rješenja rokovi za izgradnju i puštanje u rad trafostanice. Da se sad pretpostave ti alternativni. U te svrhe u dnevni red januarske sjednice Gradskog vijeća Tuzla uvrštava se ili uvrstiti će se tačka, uvrstit će se tačka dnevnog reda: Rješenje problema visokonaponske mreže i trafostanice u Mjesnoj zajednici Simin Han i niskonaponske mreže u svim mjesnim zajednicama gdje postoje problemi sa električnom energijom. Tri. Gradsko vijeće Tuzla posebno zahtijeva od Elektrodistribucije Tuzla da bez odlaganja obezbijedi tehničke mjere stabilizacije napona, jasno navede koje mjere je moguće preduzeti odmah, nezavisno od eksproprijacije i ostalih problema. Četri. Gradsko vijeće Tuzla zahtijeva od Elektroprivrede BiH da preuzme aktivniju ulogu u rješavanju ovog problema, s obzirom da se radi o objektu od utvrđenog javnog interesa, te da osigura institucionalnu i tehničku podršku za trajno rješenje trafostanice u Simin Hanu. Gradsko vijeće Tuzla nalaže mjesečno izvještavanje o realizaciji ovih zaključaka, sve do konačnog rješavanja problema snabdijevanja električnom energijom u Simin Hanu i svim mjesnim zajednicama u Tuzli i po osnovu loše niskonaponske mreže.

Ovo su zaključci, imam jednu temu kompletnu koja je vrlo bitna, trebala je, vezana je za ovo, za prisutstvo predstavnika elektroprivrede i elektrodistribucije, al bi bilo previše za danas, ostavit ću za prijedlog za sjednicu Gradskog vijeća u januaru. Toliko hvala.

ANA PEJIĆ

Zahvaljujem se. Sljedeći za riječ, javio se vijećnik Šefik Husić. Jel nije? Nema veze, hajde, evo vijećnik Emir Šahović, pa ćemo se vratiti na vijećnika Šefika Husića, obzirom da nije trenutno u sali. Izvolite Emire.

EMIR ŠAHOVIĆ – vijećnik Pokreta demokratske akcije - PDA

Hvala vam predsjedavajuća, pozdrav svim prisutnim. Ovo nam pokazuje samo da mi kao građani rijetko tražimo svoja prava na način na koji bi trebali. Ja bih prije svega htio da pohvalim stanovnike Mjesne zajednice Simin Han, koji su izašli na proteste tražeći svoja prava, koja su, mislim, u 2026. godini u gradu, koji ima termoelektranu, koji je najveći proizvođač električne energije u Bosni i Hercegovini, nema električnu energiju znači to je...I evo vidimo na osnovu svih ovih izlaganja da stanovnici i građani ne bi mogli ništa uraditi da riješe ovaj problem. Čak evo i ova Odluka Gradskog vijeća o utvrđivanju javnog interesa nije bila dovoljna da riješe problem, pa ne znam više šta je dovoljno i šta je potrebno da se to riješi. Također, ovo što su kolege rekle, mnogo se toga reklo i mnogo bi toga onaj, i ja isto rekao, ali da se ne ponavljam.

Ali evo znači, osnovni problem ovih ostalih mjesnih zajednica koje su navedene, tipa Par Selo, Pasci, Ljubače, Kiseljak, Husino, onaj, zašto nisu evo moje pitanje predstavnicima elektrodistribucije.

Zbog čega su pod nadležnosti Elektro distribucije Živinice?

Isto tako bih želio da u ovoj diskusiji i u ovoj vanrednoj sjednici ne zaobiđemo naselje Šići, mjesne zajednice Šićki Brod, koji su pod napajanjem Elektro distribucije Lukavac i koji također imaju iste identične probleme kao i ove ostale mjesne zajednice koje su pod Elektro distribucijom Živinice. To su znači domaćinstva koja su 3 kilometra udaljena od termoelektrane i u 2026. godini nemaju električnu energiju. Sad znači da se ljudi upuštaju je li da kupuju peći na pelet ili ove toplotne pumpe, pa mislim to je, to je rizik, ozbiljan rizik u 2026. godini, zato što u gradu koji je najveći proizvođač električne energije mi nemamo stabilnu električnu energiju.

Ja bih onda ispred Kluba Pokreta demokratske akcije predložio zaključak da:

Gradsko vijeće Tuzla poziva nadležne gradske službe da upute zahtjev Elektro distribuciji Lukavac da provjere znači, stanje mreže napajanja u naselju Šići.

I pozvao bi evo ponovo znači, predstavnike elektro distribucije da nam odgovore da li postoji mogućnost da se ove mjesne zajednice i naselja pripoje mreži Elektro distribucije Tuzla i ako ne zbog čega? Eto. Hvala vam.

ANA PEJIĆ

Zahvaljujem se. Sljedeća diskusija. Vijećnik Šefik Husić, pa vijećnik Denis Bećirović. Izvolite.

ŠEFIK HUSIĆ

Evo ja prije nego što počnem diskutovati samo da ustanem i da se izvinem ovim ljudima iz Simin Hana onaj, koji su slušali par sati ovde 90% nebuloznih diskusija. Znači, očigledno nepoznavanje onaj, puno stvari i tako dalje.

Imali smo izlaganje ovoga gospodina Jasmina onaj, koji je kristalno jasno rekao znači, o objektu koji je definisan ovom vanrednom sjednicom. Ono kolko sam ja razumio, mi ovde nemamo problem, jel tako? Kaže, žuta linija je mreža već postojeća sa stubovima koji su manjeg obima koji mogu nositi nisko naponsku mrežu. Stubovi većeg obima znači, koji su samo u obimu veći ne po visini mogu nositi srednje naponsku mrežu. Šta je rješenje? Rješenje znači da se ti stubovi zamijene i čovjek je kristalno jasno objasnio, nadam se, evo zamolim ću gospodina da kaže, jel griješim? Znači, mi nemamo problem. Tamo na mjestu gdje je trafostanica, i to kolko sam razumio, rečeno je znači, da postoji saglasnost za izgradnju. Jel tako? (ANA PEJIĆ – Pitanja iz diskusije, odgovorit će predstavnici na kraju diskusije.) Pa vidite pa moram u toku diskusije da potvrdim da li sam ja dobro shvatio čovjeka, znači da je rekao da mi zapravo više nemamo na toj mreži problem i da mi faktički sutra možemo očekivati realizaciju onaj, rješavanja tog problema. Cijelo vrijeme mi smo se udaljili od tematike sramota me ovih ljudi znači, što slušaju nešto što apsolutno nema veze s ovom temom. Mi smo otišli do Gračanice sa elektromrežom. Prvo, znači, sramota me i ovih ljudi iz elektro distribucije, osnovno znači ono što treba da znamo šta je zapravo elektromreža, odakle ona polazi, znači koje područje pokriva. Mreža Tuzlanskog kantona je znači, jedna od najrasprostranjenijih elektromreža s jedne strane to je ono što ja znam lajički, s druge strane, znači, mreža Elektro distribucije Živinice je najrasprostranjenija u Tuzlanskom kantonu. Ne možete to samo tako isčupati, skloniti i nešto novo dovesti. To tako ne ide.

Druga stvar, ovdje su izneseni i neki podaci za druge mjesne zajednice koje nažalost imaju taj problem dugogodišnji, ali isto tako, sticajem okolnosti znam da pojedini ljudi ne daju prići svom privatnom zemljištu da se zamijeni ta bandera o kojoj je govorio kolega Admir i ostali, znači, ne daju da se to zamijeni, ne da da se osjeće drvo i tako dalje. Ovdje možemo pričati bajke, ali primarno, znači, dajte da se bavimo ovom tematikom. Ja sam shvatio da sutra,

znači, može krenuti realizacija rješavanja problema prema ovom izlaganju čovjeka kojeg sam ja vrlo dobro shvatio koji je to stručno, znači, onaj, iznio i evo predstavio da nemamo znači, problem. O čemu pričamo? Sramota me je stvarno, znači, ljudi koji su došli ovdje da riješe svoj urgentni problem koji traje evo deset godina, konačno neko izađe za ovu govornicu i kaže nema problema, a mi diskutujemo dalje o nekakvim zaključcima. De nek mi neko samo kaže koliko je zaključaka s ove sjednice uopšte realizovano? Iznosimo, znači, neke mase zaključaka, ljudi se zbunjuju bezveze, njih danas ovdje konkretno interesuje. Vanredna sjednica je njima, znači, otvoren prozor da riješe svoj problem. A to je egzistencijalni problem. Šta ćemo mi njima reć kad završimo ovu sjednicu zaključno? Da kažemo, evo, ovi osam ljudi koji su došli iz Mjesne zajednice Simin Han, šta smo mi to danas rekli? Ja sam zbunjen. Većinom diskusija ovdje ja sam zbunjen, znači, ko čovjek, a mogu zamisliti kako su zbunjeni ljudi. Jer će izaći odavde bez ikakvog zaključka u svojoj glavi. A mi smo nabrojali 50 zaključaka. Ja ću, evo, zamoliti, još jedan put, znači, Jasmina, nisam zapamtio prezime onaj, i direktora Ademira, da nam kažu, znači, jel ova trasa koja je definisana žutom bojom, znači, koja je prepreka? Koliko sam razumio, prepreka je na stubu broj četiri onaj, koji nema tu građevinsku, odnosno, nema saglasnost za zamjenu tog stuba. Dajte odmah da pitamo službe, mogu sutra raditi na tome da taj stub dobije znači, saglasnost. I koliko ja znam, po mojim iskustvima, nikad nisam imao problem s elektrodistribucijom, znači, gdje god je bilo do njih da se riješi, sve je rješavano. I u mojoj mjesnoj zajednici, i na svim područjima onaj, mjesnih zajednica gdje sam ja delegiro problem. Znači, ljudi su spremni da izađu na teren dajte da definišemo samo ako je taj stub broj četiri problem ako on zavisi od službe Grada Tuzle, pa evo gradonačelnik je takođe rekao znači, da se iznađe rješenje sutra da se to radi. Evo, svi imaju dobru volju hajmo da kažemo sad znači, ljudima, vidite, sutra ćemo izaći na teren, definisat ćemo taj stub broj 4, i hajmo da riješimo taj papir za taj stub i hajmo postaviti objekat. Objekat je, znači, kompletna mreža i objekat je trafostanica. Nema nikakve prepreke, osim tog stuba, broj 4, znači, da se sutra krene u realizaciju. Da ne širimo diskusiju ljudi došli da riješe svoj problem, znači, inicirali vanrednu sjednicu. I opet ćemo izaći odavde, šta smo riješili, ništa. Ovo sad o čemu mi pričamo, o čemu se diskutovalo, pa to se neće za narednih 20 godina riješiti. Znači, evo ja ću zamoliti, onaj, Slađana zaključak samo da zamolim, onaj, i Javno preduzeće Elektrodistribuciju i gradsku službu koja treba da izda ovaj papir da evo, sutra odmah, evo i ja ću izaći zajedno s njima na teren. I vjerujem, većina vijećnika ovdje. Da izađemo i da konačno riješimo taj papir za taj stub broj četiri. (ANA PEJIĆ - Jese završili?) Jer će to, onaj, dovest znači, do rješenja problema, koliko sam ja shvatio, a evo opet ću zamoliti Jasmina ako može da nam onaj, opovrgne il potvrdi ovo o čemu smo pričali. Hvala.

ANA PEJIĆ

Zahvaljujem se. Sljedeći za riječ javio se vijećnik Denis Bećirović. Izvolite.

DENIS BEĆIROVIĆ – vijećnik Demokratske fronte – DF

Hvala predsjedavajuća. Koristim priliku da pozdravim vas, do predsjedavajući, kolegice i kolege u Vijeću, goste, predstavnike mjesnih zajednica, predstavnike građanstva, ispred Kluba Demokratske fronte predlažem sljedeće, da se svi zaključci predloženi na ovoj sjednici suspenduju, a da kolege koji poznaju ovu materiju a sjede meni za leđa. To su dakle predstavnici elektroprivrede, elektrodistribucije, Stručnih službi Gradskog vijeća na pauzi od deset minuta dogovore šta treba radit, predlože konstruktivan jedan zaključak i krenu sa realizacijom zaključka. Toliko od mene. Hvala.

ANA PEJIĆ

Zahvaljujem se. Zaključujem diskusiju Klubova vijećnika.

Otvaram diskusiju vijećnika. Samo malo. Vijećnik Mensur Mujezinović. Znači, povlačite? U redu. Vijećnik Muhamed Čikarić. Izvolite.

MUHAMED ČIKARIĆ – vijećnik SDA – Stranke demokratske akcije

Pozdravljam sve prisutne. Obzirom da sam vijećnik sa adresom stanovanja u Simin Hanu, obzirom da od početka sam upućen u ovu problematiku, obzirom da sam u četvrtom mjesecu prošle godine podnio zahtjev, odnosno pitanje nadležnoj službi i dobio odgovor da nisu nadležni, nego će to moje pitanje proslijediti nadležnoj elektrodistribuciji njihov odgovor nisam dobio, naravno, ni do dan danas. Juče mi nije bilo teško. Otišao sam i pješke prošao trasu koju vidite na, na ovoj karti. Od ove kačejca 1633/2 pa gore do vrha završetkom do ovog 1395. Ono što mene interesuje, a to je ako je, a čuo sam od predstavnika elektrodistribucije potpuno svjestan koliko dugo traju procesi eksproprijacije, da oni mogu trajati 2-3 godine, postavljam pitanje i želio bih odgovor.

Onog trenutka kada su postali svjesni da na ovim posjedima koji su sporni, kad su dobili saznanje da se tamo nalaze nekih po svakome k.č. 35 posjednika, zbog čega odma nisu napravili alternativnu trasu da se ovo konačno riješi?

Ovdje sam bio sebi napisao i prije nego što sam čuo mogućnost alternative, a to je da da se ova trafostanica na ovom k.č. koju su oni otkupili mogla bi se napojiti i podzemnim vodom. Onoliko koliko sam ja upoznat, putna komunikacija koju vidite na slici je društvena imovina, ako je tako, onda ne vidim jedan razlog da onuda kuda je prošlo vod vodovoda ili na toj trasi, zašto se ne pribjegne odma planiranju da se ne ulazi u ovo čekanje, jer očigledno će potrajati i da se riješi ovo pitanje koje je staro deceniju.

Zbog toga predlažem jedan zaključak, da ovo Vijeće donese zaključak da se Javno preduzeće Elektroprivreda BiH, odnosno Elektrodistribucija Tuzla obavezuje da u roku od 30 dana iznađe novu trasu ili način napajanja nove planirane trafostanice pokrene, postupak obezbjeđenja odobrenja za gradnju...(ANA PEJIĆ - Samo malo sporije da može Slađana stić zapisat zaključak.) pokrene zarez pokrene postupak obezbjeđenja odobrenja za gradnju te o tome obavijesti ovo Gradsko vijeće. Hvala.

ANA PEJIĆ

Zahvaljujem se. Sljedeći za riječ javio se vijećnik Samir Mulaosmanović. Izvolite.

SAMIR MULAOSMANOVIĆ – vijećnik SDP – Socijaldemokratske partije Bosne i Hercegovine

Eh hvala. Pozdravljam sve prisutne pogotovu goste iz Simin Hana. Slažem se ovdje sa dosta stvari koje su rekli i vijećnik Berbić i Senad, tačno onaj, apsurd do apsurd, papir na papiru i svašta nešto. Da bi skratili ovo sve onaj, košto Šeki reče, ima stvarno ovdje nekih nebuloznih stvari koje smo iznosili.

Ja imam pitanje za gospodu iz elektrodistribucije, a sve to na tragu onoga što je gradonačelnik reko hajde da probamo nešto ovaj, da vidimo. Ne mora značiti, volio bih samo da dobijem odgovor ako je moguće do kraja sjednice, ukoliko je naravno moguće. Pošto cijelo vrijeme gledamo i u ovu kartu, a pitanje bi bilo sljedeće:

Možel se samo građevinska tražiti za trafostanicu, a da se tragom rješenja koje je na vodovod postavio, to je ova plava linija, traži rješenje o prokopavanju i polaganju?

Nakon toga bi se vjerovatno moglo napraviti elaborat u podzemnim instalacijama i uknjižiti u katastar komunalnih uređaja. Ne znam da li je moguće, pošto elektrodistribucija naravno ima svoje propise, ali ako nije moguće i to bi bilo vidjeti da li je moguće napraviti neke iznimke, jer očigledno imamo vodovod je nešto uradio. Pa hvala vam ako odgovorite još danas na sjednici.

Ono što je po meni još bitno, čitao sam sve ove dopise koji su došli, ovo je ludilo totalno 155 kroz 28 hiljada mislim u samom startu se moglo vidjeti da ovdje je nemoguće ovo riješiti. Ovo je strašno. Milijon je tu određenih problema i evo sad slušajući kolege, znači polako se otvara i neka pandorina kutija, nije samo Simin Han u pitanju, otvaraju se i druge mjesne zajednice i bit će tu strašnih problema.

Ja bih onaj, apelovao sa dva zaključka da uradimo nešto sa Službe za geodetsko-imovinsko pravne poslove, jer očigledno je da tim ljudima fali zaposlenih. Svi znamo znači, i privatno i ovako kroz ovaj posao znači, da tamo imamo stotine hiljade predmeta koji stoje i čekaju i to se nikada neće riješiti. Evo košto i ovo ljudi čekaju na kabel deset i više godina, što reče Senad. Tako da, jedan od zaključaka, ja ću vam Slađana poslati ovo, Slađo meilom, ali evo ovako, rebalansom Budžeta Grada Tuzla obezbijediti sredstva za popunjavanje upražnjenih radnih mjesta u Službi za geodetske i imovinsko-pravne postupke, odmah raspisati konkurs na radna mjesta za koje budžet ima planirana sredstva.

Drugi je razmotriti još jednom Odluku o organizaciji i djelokrugu rada Grada Tuzle i naći bolje rješenje kad su u pitanju stanovi i poslovni prostori, pa da se ova Služba napokon dovede u ono šta treba da radi znači, da bude Služba za geodetsko i imovinske poslove. Totalno je to ne iracionalno, da pored ovog posla koji ljudi radi i koji je obiman, pa ljudi imamo sad gore od džamije Prinčeve put. Imamo autoput uskoro. Znači, to je ogroman posao. Znači, svi znamo, pogotovo pravnici kolege znači, da je to prekomplikovan i preobiman odnos, košto je naravno evo imamo i pred sobom na ovim papirima. Dajte molim vas da se uradi nešto po ovom pitanju. Hvala još jednom.

ANA PEJIĆ

Zahvaljujem se. Sljedeća za riječ javila se vijećnica Dragana Berberović. Izvolite.

DRAGANA BERBEROVIĆ GAGRO – vijećnik Naše stranke

Pozdrav za sve moje kolege i za naše goste. Mi stvarno evo tri sata raspravljamo o nekim stvarima. Meni ono što je ostalo upečatljivo je govor gospodina iz elektrodistribucije koji je rekao imamo mogućnost, znači, da zamijenimo te bandere, imamo mogućnost da položimo kablove gdje ide vodovod. Znači, imaju neka rješenja. Ima, vjerovatno još nekih rješenja ali recimo, želim da postavim pitanje nadležnim službama.

Ukoliko vodovod je mogao da postavi svoje znači, svoje cjevovod, zašto elektrodistribucija ne može da postavi svoje kablove recimo tom istom trasom, a naravno sutra će u pitanju biti vjerovatno i BH Telekom i ostalo, kablovske i televizije koje su naravno potrebne svim građanima? To je pitanje bilo za nadležne službe.

Drugo pitanje je za elektrodistribuciju.

Ukoliko se iznađe rješenje i odobri postavljanje kablova pored vodovodne mreže ili zamjena, kao zamjena bandera, ne neka nova građevinska dozvola, nego čisto mijenjamo bandere, radimo rekonstrukciju, za koliki vremenski period može doći do uklanjanja problema koji imaju građani Simin Hana?

Također želim da postavim pitanje nadležnim službama.

Za koliko vremena inspekcijske službe mogu da izađu na teren u ovih pet rubnih mjesnih zajednica i da evidentiraju sve probleme, te da dostave ih nadležnoj elektrodistribuciji na rješenje? Za rješavanje. Hvala.

ANA PEJIĆ

Zahvaljujem se. Sljedeći za riječ javio se vijećnik Denis Bećirović. Izvolite.

DENIS BEĆIROVIĆ

Hvala predsjedavajuća. Evo, ponovo koristim priliku i ponovo tražim od kolega vijećnika da evo danas zbog problema kojeg imamo suspentuju svoj ego, prestanu sa davanjem nekakvih rješenja, krajnje rješenje se nalazi nama iza leđa. Bez uvrede, naravno svima. Ljudi koji trebaju da iznađu rješenje su gradske službe, sjede iza nas. Ljudi koji s druge strane trebaju da traže praktična rješenja, mimo pravnih su elektrodistribucija, sjede iza nas. Ti ljudi nisu sjeli je li godinama ovdje. Dajte, molim vas, da im damo vremena da oni predlože rješenje. Ne možemo mi, mi nismo te struke. Hajmo sad ovako, ja sam jedini mašinski inženjer ovdje, drugi je kolega Mišković, ali nismo elektrostruke, nismo građevinske struke. Dajte, molim vas da struka kaže, tri sata smo bacili, tri sata pričamo ljudima, bacamo se zaključcima, šta, da im se dodvorimo. Ljudi nemaju struje, nema dodvoravanja, zato sam i rekao da spustimo ego. Dajte, molim vas da sjedu službe, predstavnici su tu i gospođa Šimleša i Delić, i Mulać i gospodin Jasmin i direktor Elektrodistribucije podružnice Tuzla. Dakle, dajte, molim vas, dakle, nije elektroprivreda slama koju možemo premjestiti sa tačke A na tačku B. To je kompleksan i specifičan problem i ne možemo ga shvatati paušalno, da mi to nešto mijenjamo, nemoguće je mijenjati, moguće je ali košta jako puno i vremena i sredstava. Dajte, molim vas, evo ljudi tu, oni su za tri sata mogli napraviti jedan hodogram ovaj, i predložiti ga Gradskom vijeću. Ako je danas cilj da ti ljudi sjedu, onda je sjednica uspjela. Ne možemo, nismo te struke. Ja samo mogu zamisliti kako je ovim ljudima, kad sjede iza nas, poznaju materiju u malom prstu i mi dajemo rješenja. Ljudi ba to nije u redu. E, to je apsurd. Nije apsurd država. Nije apsurd država. Mi smo danas napravili apsurd. Nemojte da padamo u te zamke. Dajte, molim vas, evo, ponovo tražim od kolega, svakako, predsjedavajuća, vi ste i prema poslovniku i vašom dobrom voljom pustili, dakle, i sekretar je tu predložio, odnosno sekretar tu vodi evidenciju uredno. Tražim opet da zaključke predlože službe. Hvala.

ANA PEJIĆ

Zahvaljujem se. Replika, Emir Šahović i Omer Berbić. Mensura, jel se vi javljate za diskusiju ili za repliku? Repliku. I Mensur Mujezinović, replika. Samo, molim vas, navedite kome su replike upućene. Izvolite. Izvolite. Izvolite Emire.

EMIR ŠAHOVIĆ

Aha. Moja replika je kolegi Denisu i podržavam u potpunosti sve što je rekao i evo ja u svrhu znači, toga povlačim zaključak koji sam predložio i znači definitivno jeste da mi ne znamo, ali de da, ovo proizađe jedan zaključak da navedemo ove koji znaju da riješe problem, zato što deset godina problem nije riješen, nije se pomjerilo sa mrtve tačke ništa. I ako će to pomoći, ja bih predložio da iz izvoda, iz stenograma znači, ove sjednice i svega što smo mi rekli, uzmu u razmatranje sve što je predloženo znači, a evo ja prvi ću onaj povući svoj zaključak. Hvala.

ANA PEJIĆ

Replika, vijećnik Omer Berbić, izvolite.

OMER BERBIĆ

Replika je mom drugu Denisu. Denise, fala ti, ali meni zaista ne treba lekcija oko toga kako ću se ja ponašati na Gradskom vijeću, šta ću pričati i ono o čemu ću diskutovati. Kao što smo se dogovorili na Kolegiju, nije samo ovo bio problem, bila su problem i ostale mjesne zajednice i sasvim je opravdano da je nekada ova diskusija išla u širinu i Denise deset godina se ovaj problem vuče. Za deset godina ove iste službe, predstavnici ovih institucija, javnih Grada Tuzla i tako dalje su mogli sjesti i rješavati problem. Nisu došli da sjednu dok nismo napravili vanrednu sjednicu. Ja nisam za vanrednu sjednicu u onom smislu da se samo sjedi nego da se radi. Nije problem. Slažem se da oni trebaju da sjednu, ali ova tri sata sigurno ne bi oni sjedili i diskutovali o rješenjima da nisu ovdje, zato što smo imali deset godina za to. Evo sad smo došli, svatili su, ja se nadam, vjerujem ozbiljnost situaciji i svatili su da se to sad treba rješavati. A meni zaista ne treba lekcija oko toga šta ću ja pričati, kakve ću zaključke donosit. Mi nećemo odustati ni od jednog zaključka zato što se zaključci ne vežu samo za ovaj problem, za ovaj problem će ljudi sjesti očigledno i nadam se riješiti, nadam se. Ali ima još deset ostalih problema kojih se mi ovdje nismo dotakli i o kojim ljudi uopšte nisu diskutovali zato što nisu za to pozvani, zato što nisu za to nadležni. Ima Elektrodistribucija Živinice koja takođe mora da primi određene zaključke od nas ovdje, da znaju da se mi bunimo u ime građana Tuzle prema njima. I ima i ta suština problema. Znači nemojte, molim vas, da dijelimo jedni drugima lekcije. Ja na svaku diskusiju ovdje sam imo po repliku. Na svaku. I svima sam mogao podijeliti lekciju kako neko ne zna, al neko zna. Nisam ni ja stručan, ali jesam stručan u onom mandatu da sam dobio povjerenja građana i ako mi građanin napiše e-mail gdje napiše da smo truhle bandere ja ću izaći i taj zaključak pročitati. Fala ljepo. Znači, nemojte da dijelimo jedni drugima ovdje lekcije. Dajte da idemo u ovom smislu. Mislim da smo se približili završetku sjednice. Dajte da je završimo ko i do sada da ne idemo sad mak na konac. Fala ljepo.

ANA PEJIĆ

Denise repliku vi imate al prije vas s vama imaju replike, od vijećnika Mensura Mujezinovića i vijećnika Mirnesa Ajanovića pa da završimo onda se vi javite za repliku imat ćete vremena za sve te ako budete...Izvolite Mensura vi pa Mirnes Ajanović, replika.

MENSUR MUJEZINOVIĆ – vijećnik Nezavisne liste „Sloboda“

Prvo da vas pozdravim. Ova replika je Denisu ovaj, mi nećemo odustati od zaključaka zato što onaj, ja razumijem šta Denis hoće da kaže ovaj, i poštujem to sve. Ali ako će raditi dan i noć službe. Deset godina nisu radili, nek rade sad dan i noć. Neka nađu rješenje. Kako će ga naći, to više nije naš problem. To je problem sad svi...Moraju ga naći. Deset godina. Ako će isto ovako raditi. Ne moraju ni raditi onda nika...Kupit ćemo mi sve ako treba građani. Sve ćemo kupiti. Svakako nam dižu sve što mogu da nam dignu, digli su nam. Hvala vam.

ANA PEJIĆ

U redu, sljedeća replika vijećnik Mirnes Ajanović. Izvolite.

MIRNES AJANOVIĆ

Ma moram kritikovati svog druga Omera. Pozitivno u pravu je. Mi ovdje nismo da diskutujemo kao stručnjaci. Mi vijećnici. Diskutujemo po onome što znamo, što ne znamo pitamo, tražimo informaciju i izjašnjenje službi i stručnih lica. Stanje da stručna lica deset godina nisu riješila problem obavezuje nas da mi, koji smo nestručni, tražimo da se rješava i nikakvo dodvoravanje, nikakve nebuloze, nikakvo smijanje u lice, nikakvih povlačenja zaključaka nema. Mi ovdje odrađujemo svoj...Niti dodvoravanja. Mi odrađujemo svoj zadatak jer smo organizovali vanrednu sjednicu i tražimo od tih stručnjaka da nas evo ubijede da znaju raditi posao a očito da ne znaju. Ako mi nestručni moramo u ovime slučajevima moramo da dajemo svoj stav. Inicirali smo, dali rokove, dali obaveze s naše strane, bez ikakvog dodvoravanja bilo kome odradili smo i završili naše obaveze. Šta treba da šutimo danas na ovoj sjednici? Jel to obaveza vijećnika da je organizujemo i šutimo, odšutimo? Jer mi, navodno, nismo stručni. Dakle, i ja ne dajem nikome pravo da nas optužuje za to što radimo, govorimo, mislimo, razmišljamo, iniciramo i tražimo pa i u onom dijelu u kojem nismo stručni zato što su stručni zakazali.

Eto, pozdrav još jednom kritika pozitivna Omeru, koji je to malo više emotivno rekao, a ostalim kolegama, nemojte u buduću, jer ćemo biti malo grublji svi inicirati na bilo kakav način to hinjsko dodvoravanje, ne govorim Denisu niti bilo kome, eto vi se nekome smijete u lice ili nešto slično. To je upravo kontra zamjena teza ono negativno dodvoravanje. Mi ostali odrađujemo svoj dio posla na način kako smatramo da treba, a lekcije nek svako zadrži za sebe i nek ih drži sebi. Hvala.

ANA PEJIĆ

Replika vijećnik Denis Bećirović. Izvolite.

DENIS BEĆIROVIĆ

Hvala predsjedavajuća. Nije to replika, naravno, shvatam i kolegu Omera, svako ima pravo na svoje mišljenje, ali evo, sve što budete pripremili, dakle, za sjednicu u januaru, apsolutno ću i ja podržati vrlo, vrlo rado. Al evo, danas sam evo na tragu želje da se fokusiramo na problem u Simin Hanu, koji je trenutno gorući, koji treba riješiti. Sastali smo se rada toga, na Kolegiju nisam bio. I drago mi da se raspravlja o tome, ali evo hajde da probamo riješiti dok su nam ljudi tu, da vidimo šta i oni predlažu i da nam ponude odmah konkretna rješenja, ili naznaku za neko konkretno rješenje. Svakako, dakle, evo i za pitanje ostalih mjesnih zajednica, trebamo evo viditi i za januar, možda pripremiti tačku dnevnog reda, i ako već ima, dobili ste meil iščitao sam, poslali ste. Dakle, i sa zaključcima se slažem i možemo zaključke i iskoristiti u januaru, dakle, apsolutno ne bježim od toga, možemo ih iskoristiti danas, ne bježim ni od toga, ali evo, imao sam namjeru dakle, da se fokusiramo na ovaj problem koji je predsjedavajući iza leđa, nama ispred što se kaže i da vidimo koji su nam, koji su nam, koji su nam putevi do rješenja i da kao takav jedan izaberemo. Hvala.

ANA PEJIĆ

Replika vijećnik Omer Berbić, izvolite.

OMER BERBIĆ

Replika mom drugu Denisu. Samo da kažem da razumijem namjeru i zahvaljujem se na pojašnjenju. Eto.

ANA PEJIĆ

Diskusija vijećnik Nedžad Jusić, izvol..Replika, vijećnik Emir Šahović, izvolite. Izvinjavam se Nedžade.

EMIR ŠAHOVIĆ

Ja sam onaj, kako se zove, i dalje i dalje stava da se slažem sa kolegom Denisom. Znači, ovdje imali smo mi sjednice Vijeća gdje smo usvajali po stotine zaključaka. Znači, koliko je od tih stotina zaključaka realizovano ovdje, ovdje je stvarno poenta ove sjednice da se nešto uradi. Eh, ako će to jedan zaključak postići, ja se slažem prvi, znači da bude jedan zaključak kada se riješi problem i svi ovi problemi koje smo naveli, ili ćemo opet 50 evo plus zaključaka koliko odprilike ima do sada onaj, ako će i oni riješiti problem, evo, nije ni to problem. Et toliko.

ANA PEJIĆ

Replika vijećnik Mensur Mujezinović Emiru Šahoviću? (Jeste, jeste.) Izvolite.

MENSUR MUJEZINOVIĆ

Vjerujte mi, kolega da će se ovaj zaključak riješiti. Evo, ja vam odgovorno tvrdim, ako ne bude riješen, da će biti velikih problema.

ANA PEJIĆ

U redu. Diskusija vijećnik Nedžad Jusić, izvolite.

NEDŽAD JUSIĆ – nezavisni kandidat – nacionalna manjina

Hvala predsjedaa...(ANA PEJIĆ - Evo vi ste sljedeći. Poslije Nedžada ste vi odmah. Izvolite Nedžade.) Ok, hvala predsjedavajuća, pozdrav vama, pozdrav kolegama, kolegicama i svim prisutnima u sali. Nakon ovih replika, hajde, pokušat ću ovaj, svoju diskusiju da usmjerim u jednom, drugom pravcu. A ovaj, s obzirom i dobro je što imamo i ovu mapu ispred sebe i što je gledamo i gledamo glavni vod koji ide, ovaj vez na koji bi se trebalo priključiti pomenuta trasa struja i to je okej. Ja pretpostavljam da svaki investitor koji želi da uloži svoje finansijska sredstva, to ekonomisti bolje znaju od mene, sa što manje finansijskih sredstava da ostvari što veću dobit. Ja, moje laičko mišljenje je nakon ukoliko nismo uspjeli, odnosno nisu uspjeli u prethodnih deset godina sa ovom trasom da prođe linija, moje lično mišljenje, ja bih volio da se varam u svemu tome da u narednih mjesec, dva, tri da će teško doći do rješenja da se sve uradi u skladu sa zakonom. Ja ponovo se sad vraćam na haidel, nekakva možda i logične stvari. Ja kad nekad ne mogu svojoj kući kroz Mušinac, onda odem kroz Mosnik i dođem svojoj kući. Vidim na ovoj mapi da ima i drugih puteva koje bi možda mogli doći sa kablom do trafostance. I mislim da je ključan, hajde, svi su zaključci, okej, dobro je, sve je to. Mislim da je ključ rješenja u ovom svemu da predstavnici

elektrodistribucije, Službe za geodetske i imovinsko pravne odnose običu potencijalne lokacije, odnosno puteve koji bi mogli biti korisni za završetak ovog projekta. Neko je pomenuo i dobro je da se uključe i mještani, ali vjerovali ili ne da nekad i sami mještani nisu dovoljno upoznati da li su sve riješeni imovinske pravne odnose. Al dobro je da budu uključeni, mislim ponovo kažem, mislim da je ključ rješenja ovog problema da se u što kraćem roku krene na teren, a to je predstavnici elektrodistribucije i predstavnici Službe za geodeske imovinske pravne odnose. I da vidu određenu trasu da traže alternativno rješenje, odnosno vidim ovu mapu da ima i drugih trasa pretpostavljam da su oni skuplje i da će biti više izdataka za elektrodistribuciju ali evo čuli smo, čuli smo od direktora da su oni spremni da urade taj, realizuju taj projekat sad normalno ukoliko bude više finansijskih sredstava ja smatram da su oni spremni da to i realizuju. E to je nekakva moja diskusija u kojoj sam pravcu išo. Hvala.

ANA PEJIĆ

Zahvaljujem se. Zamolit ću vijećnike koji su izašli da uđu u salu jer ne možemo nastaviti sa radom, nemamo kvoruma u sali. Hoćete Enisa biti ljubazni da ih pozovete samo?

Dajem pauzu od 10 minuta s obzirom da nemamo kvoruma da vidimo hoćemo li moći nastaviti sa sjednicom.

(Pauza.)

Pozivam vijećnike da uđu u salu kako bismo nastavili sa radom.

Nastavljamo sa radom sjednice.

Za diskusiju se javio vijećnik...(DENIS BEĆIROVIĆ – Poslovnička.) Izvolite, vijećnik Denis Bećirović, poslovnička.

DENIS BEĆIROVIĆ

Hvala, predsjedavajuća. Evo, na sastanku Kolegija, dakle ovo zbog stenograma govorim, dogovorili smo da zbog situacije i zaključaka koje su kolege iznijele i nemaju mogućnost da iste, odnosno imaju mogućnost ali imaju i odgovornost prema građanima da iste ne povuku, nego da ostaju pri tim zaključcima, a zaključak koji sam predložio, odnosno dio zaključka koji sam predložio da se isti poništi i ja ću taj dio zaključka da povučem. Dakle, neću insistirati da kolege svoje zaključke povuku i dalje ću dakle, insistirati da struka da konkretan odgovor, ali evo do prve naredne sjednice dakle, da se zaduže tri službe Grada Tuzla i elektrodistribucija dakle, da dostave operativni plan za djelovanje kako bi se riješio problem u Simin Hanu, odnosno snabijevanje korisnika električnom energijom u Mjestoj zajednici Simin Han, a onda jel i sukcesivno i u ostalim mjestnim zajednicama. Hvala.

ANA PEJIĆ

Zahvaljujem se. Diskusija vijećnik Senad Mehmedinović, izvolite.

SENAD MEHMEDINOVIĆ

Hvala. Malo prije je bilo užareno, sad nije, tako da ono što sam možda mislio da kažem neću ni reći, ali želim evo kao zaključak neki i one prijašnje diskusije da kažem da smatram da smo mi kao Gradsko vijeće samim sazivanjem sjednice vanredne postigli efekat.

Postigli smo efekat na način da su ovdje došli predstavnici koji trebaju da budu, da su iznijeli ono što su trebali da iznesu. Međutim, nemojte da zaboravimo svi ovdje da je ova vanredna sjednica rezultat najavljenih protesta koji su bili u Mjesnoj zajednici Simin Han. Znači, ovdje imamo predstavnike građana Selvera, imamo Senada i Mensur, koji je također gore bio jedan od organizatora ovih protesta i na osnovu toga smo mi sazvali ovu vanrednu sjednicu Gradskog vijeća kako bi se uozbiljila tematika o kojoj se priča. U nekim dijelovima ovdje izlaganja moglo je se čuti da ima rješenje. Da ima rješenje ne bi smo mi danas sjedili ovdje i ne bi se deset godina radilo na pronalasku ovog rješenja problema. Deset godina se nije napravilo. I pazite moram da podvučem ko nije možda slušao prvo izlaganje. Nema aktivnog postupka vezano za Simin Han i elektrodistribuciju zato što ne postoji, odnosno istekla je urbanistička saglasnost. Ljudi ne postoji. Znači apsolutno nema toga, ugašeno, ohlađeno, ne postojeće. I odjednom na našu inicijativu vijećnika odjednom imaju neka rješenja. Meni je drago da čujem da ima rješenja i evo pozivam sad sve predstavnike službi elektrodistribucije sjednite, ako imate ta rješenja ponudite, ali kroz rokove koje smo mi definisali kroz zaključke koji će biti predloženi. Još jednom samo da naglasim, da ukoliko ne dođe do rješavanja, ovo je veoma bitna stvar i veoma ozbiljna, nedavno je u Simin Hanu bilo skoro 300 osoba koje su po najvećem snijegu kad je napadao, izašli na ulicu da traže svoje pravo i oni plaćaju za uslugu koju u potpunosti nemaju. Ukoliko se ovo ne riješi, ovo je ozbiljna opomena i ljudima koji sjede ovdje da predstave to svojim direktorima gore, da će biti protesti i bojim se da iz ovih malih protesta ne proizađu neki veliki, a da ne govorim još da se priključe mjesne zajednice isto koje imaju problem sa strujom. Dakle, molim vas da se ozbiljno shvati ova problematika. Gradsko vijeće u ovom sastavu je na strani građana Tuzle i problema koje imaju i molimo i elektrodistribuciju koja govori da ima rješenje i evo gradske službe da sjednu za isti sto, da uspostave komunikaciju i da kao stručna lica nama predlože rješenja. Hvala ljepo.

ANA PEJIĆ

Zahvaljujem se. S obzirom da nema više prijavljenih za diskusiju, poslovnička vijećnik Admir Hasanbašić, izvolite.

ADMIR HASANBAŠIĆ

Hvala predsjedavajuća. Pošto je današnja sjednica zaista imala veliki broj pitanja od strane vijećnika i vijećnica koji su upućeni prema Elektrodistribuciji Tuzla i resornim službama, ja predlažem zaključak, a to je da Gradsko vijeće Tuzla traži od Elektrodistribucije Tuzla i od resornih gradskih službi da najkasnije do februarske sjednice Gradskog vijeća dostave pisane odgovore na pitanja postavljena u toku rasprave i zadužuje se Stručna služba Gradskog vijeća da stenogram sa ove sjednice Vijeća dostavi Elektrodistribuciji Tuzla i resornim gradskim službama. Evo to je prijedlog zaključka. (Sladana Krajina govori bez uključenog mikrofona op.a.) Jeste jeste, jeste, jeste.

ANA PEJIĆ

Stavljam na izjašnjavanje prijedlog zaključka vijećnika Admira Hasanbašića. Molim vas da se izjasnite. Može, može, ne sikiraj se. Može, može, naravno. Možete Admiru samo još jednom zaključak pročitati. Evo može Sladana će.

SLADANA KRAJINA – sekretar Gradskog vijeća Tuzla

Gradsko vijeće Tuzla traži (ANA PEJIĆ – Molim vas samo za malo tišine.)

- Gradsko vijeće Tuzla traži od Elektro distribucije Tuzla i od resornih gradskih službi da najkasnije do februarske sjednice Gradskog vijeća dostavi pisane odgovore na pitanja postavljena od strane vijećnika u toku rasprave.

Zadužuje se Stručna služba Gradskog vijeća da stenogram sa današnje vanredne sjednice Gradskog vijeća Tuzla dostavi Elektro distribuciji Tuzla i resornim gradskim službama.

ANA PEJIĆ

Molim vas da se izjasnite ko se nije izjasnio. Glasanje je okončano.
Konstatujem da je predloženi zaključak usvojen sa,
26 glasova za, nije bilo protiv i nije bilo suzdržanih.

Dakle, predstavnici Elektro distribucije Tuzla i resornih službi do februarske sjednice na pitanja koja su proistekla iz diskusija da odgovore.

S obzirom da nema više prijavljenih za diskusiju, u toku pauze obratio mi se gospodin Hasib, član savjeta Mjesne zajednice Simin Han pa izvolite, samo kratko ima da kaže dvije rečenice, pa izvolite za govornicu. Molim vas samo za tišinu.

HASIB HARAČIĆ - član savjeta Mjesne zajednice Simin Han

Ako oni koji me ne znaju hoću reći ovaj narod koji je došo u Simin Han, on ne zaslužuje ovaku patnju. To su dobri ljudi, stvarno dobri ljudi i ja se njima divim na izdržljivosti i na strpljenju. Hoću reći samo nekoliko pitanja postaviti vezano za elektroprivredu, Elektro distribuciju Tuzla i Federalnu elektro distribuciju a to su pitanja:

Da se pismenim putem dostavi odgovor na ovo Vijeće šta je sa dalekovodom koji je išo od trafostanice Simin Han do trafostanice Požarnica?

Koji su imali dvije trafostanice na sebi i na tom dalekovodu. Jedna je bila na lokaciji kod stadiona u Simin Hanu iza tamo, a druga je bila na silasku puta od Vasića prema Barama četiri kilovolta trafostanica. Te trafostanice su se mogle napajati dupli pad, duplo napajanje. Znači mogle su iz Simin Hana od trafostanice sad ove postojeće i iz Požarnice isto što sad postoji trafostanica mogla su se ta četiri kilovoltna napajati koja su napajala Vasići, a bilo je i u Vasićima gore na vrhu jedna trafostanica. Znači da tri trafostanice četiri kilovolta nemaju sad posle ovog nesretnog rata. I sad se sve napaja sa ove trafostanice iz Simin Hana. To je stvarno užasno. Ljudi su morali dobiti struju. I oni plaćaju ono što imaju. Ali nije pošteno od elektroprivrede i elektro distribucije da ljudi plaćaju ono što nemaju i da još štetuju što ono plaćaju, a nemaju da koriste kako treba.

Znači ja molim, molim Elektroprivredu BiH, Elektro distribuciju Tuzla, Federalnu elektroprivredu da se izjasne na Vijeće da ovo što sam ja postavio, da ovo date odgovor Vijeću, nije meni znači, đe su te trafostanice, đe su ti dalekovodi, đe su te žice, đe su ti stubovi željezni, koje ja znam sve đe su bili po imenke?

ANA PEJIĆ

Doće njima svakako ta pitanja. Zahvaljujem se.

S obzirom da nema više prijavljenih vijećnika za diskusiju pozivam sekretara Gradskog vijeća da pročita zaključke proizašle iz diskusija. Da li ste za da glasamo u paketu o svim zaključcima? (Može.) U redu, izvolite Slađana.

SLADANA KRAJINA – sekretar Gradskog vijeća Tuzla

Prijedlozi zaključaka:

- Gradsko vijeće Tuzla traži od Javnog preduzeća Elektroprivreda Bosne i Hercegovine dd Sarajevo, Podružnica Elektro distribucija Tuzla i Gradske uprave Grada Tuzle da Gradskom vijeću u roku od 15 dana dostave pregled svih neriješenih predmeta koji se vode kod nadležnih službi Grada Tuzle, odnosno predmeta čiji podnosilac su službe Grada Tuzle a koji se vode kod Elektro distribucije Tuzla, uz obrazloženje da li postoje i koje su prepreke za njihovo rješavanje.

- Gradsko vijeće Tuzla zahtijeva od nadležnih gradskih službi da maksimalno ubrzaju rad na predmetima Elektro distribucije Tuzla, te da se ovi predmeti uzmu kao najveći prioritet, sa posebnim naglaskom na predmete koji se odnose na izgradnju elektroenergetskog objekta Simin Han 1.

- Gradsko vijeće Tuzla traži od gradonačelnika Tuzle i nadležnih službi da (ponovo) zakažu sastanak sa predstavnicima Javnog preduzeća Elektroprivreda BiH dd Sarajevo, Podružnica Elektro distribucija Tuzla sa ciljem razmatranja mogućnosti bržeg rješavanja započetih postupaka koji se odnose na postojeću lokaciju za izgradnju elektroenergetskog postrojenja Simin Han 1, a ukoliko se procijeni da će postupci njihovog rješavanja i dalje teći sporo i trajati dugo, da zajednički pokušaju iznaći rješenje za novu lokaciju za koju se procijeni da bi moglo doći do brže i hitnije realizacije.

- Kada je u pitanju problem sa neredovnim snabdijevanjem električnom energijom naselja Orašje, Pasci, Par Selo, Ljubače, Morančani i dr. koji se snabdijevaju vodovima iz Živinica, kao i drugih naselja koja imaju česte prekide u snabdijevanju električnom energijom, Gradsko vijeće Tuzla traži od Javnog preduzeća Elektroprivreda Bosne i Hercegovine dd Sarajevo, Podružnica Elektro distribucija Tuzla da hitno pristupi izradi elaborata kompletne sanacije vodova svih ugroženih područja, posebno vodova koji se napajaju iz Živinica, te da se izrada elaborata i poduzimanje mjera proisteklih iz elaborata, kao najveći prioritet, uključe u Plan poslovanja Javnog preduzeća Elektroprivreda BiH dd Sarajevo i Podružnica Elektro distribucija Tuzla za 2026. godinu. S obzirom da je Plan poslovanja (vjerovatno) već usvojen, u tom slučaju traži se da se pristupi izmjenama i dopunama Plana i ove aktivnosti planiraju kao prioritet u Planu poslovanja Elektro distribucije Tuzla za 2026. godinu.

- Traži se od elektroenergetskog inspektora Kantonalne uprave za inspekcijske poslove da provjeri u kojem je stanju elektroenergetska mreža na područjima Orašje, Par Selo, Pasci, Ljubače, Morančani, Križani, Kolovrat, Kojsino i druga naselja na području grada Tuzle te da, u skladu sa utvrđenim stanjem na terenu, naloži Javnom preduzeću Elektroprivreda BiH dd Sarajevo, Podružnica Elektro distribucija Tuzla hitno provođenje mjera za normalizaciju napajanja električnom energijom ovih i svih drugih naselja za koja se ustanovi nedovoljno ili neredovno napajanje električnom energijom.

- S obzirom da rješavanje problema redovnog snabdijevanja električnom energijom tuzlanskih naselja u mnogim aspektima (prije svega finansijskim) prevazilazi mogućnosti i nadležnosti Elektro distribucije Tuzla, Gradsko vijeće traži da se sa svim zaključcima vanredne sjednice Gradskog vijeća upozna rukovodstvo Javnog preduzeća Elektroprivreda BiH dd Sarajevo, te da se, zajedno sa Elektro distribucijom Tuzla, očituje o mogućnostima i eventualnim rokovima njihovog rješavanja.

- Gradsko vijeće Tuzla utvrđuje da je pronalazak nove lokacije za izgradnju trafostanice „Simin Han 1“ na zemljištu sa jednim ili jasno definisanim vlasnikom, najefikasnije i najbrže rješenje, s ciljem izbjegavanja dugotrajnih i složenih imovinsko-pravnih postupaka.

- Gradsko vijeće Tuzla utvrđuje da je Javno preduzeće Elektroprivreda BiH dd Sarajevo, Podružnica Elektro distribucija Tuzla odgovorna za obezbjeđivanje odgovarajuće lokacije (parcele) za izgradnju trafostanice „Simin Han 1“, dok je Gradska uprava Grada Tuzle

odgovorna za izdavanje neophodnih urbanističkih, građevinskih i drugih dozvola, u skladu sa važećim propisima.

- Gradsko vijeće Tuzla traži od Javnog preduzeća Elektroprivreda BiH dd Sarajevo, Podružnica Elektrodistribucija Tuzla da u roku od 30 dana:

predloži jednu ili više alternativnih parcela sa riješenim ili jednostavnim vlasničkim statusom,

dostavi tehničko obrazloženje izbora lokacije.

- Gradsko vijeće Tuzla nalaže da se prilikom izbora nove lokacije prednost da:

zemljištu u vlasništvu Grada Tuzla,

zemljištu sa jednim vlasnikom ili jasno riješenim i riješivim vlasništvom,

lokaciji koja omogućava najkraću i tehnički najjednostavniju trasu priključnih vodova.

-Po pronalasku nove lokacije, Gradsko vijeće traži od Javnog preduzeća Elektroprivreda BiH dd Sarajevo, Podružnica Elektrodistribucija Tuzla da bez odlaganja:

prilagodi idejno i glavno projektno rješenje novoj lokaciji,

pokrene postupak izdavanja potrebnih saglasnosti po ubrzanoj proceduri.

- Gradsko vijeće Tuzla nalaže da se u roku od 45 dana dostavi Gradskom vijeću: konačan prijedlog lokacije,

plan realizacije sa rokovima za izgradnju trafostanice.

-Gradsko vijeće Tuzla predlaže da se do okončanja postupka eksproprijacije nađe rješenje podzemnih vodova od parcele na kojoj je planirano postavljanje trafostanice do priključaka. Trenutno predloženo rješenje su nadzemni kablovi koji prelaze preko parcela za koje se vodi postupak eksproprijacije i gdje je teško i dugotrajno rješavanje imovinskih odnosa. Podzemnim vodovima bi moglo ići u putnom pojasu postojeće ceste.

- Gradsko vijeće Tuzla predlaže Javnom preduzeću Elektroprivreda BiH dd Sarajevo, Podružnica Elektrodistribucija Tuzla da prije odabira trase infrastrukturnog projekta dođu u Službu za geodetske i imovinsko-pravne poslove, evidenciju i upravljanje imovinom preklope planove i izvrše uvid u imovinsko stanje kako bi vidjeli sta je rješivo brzo, a šta ne.

- Ukoliko dođe do odugovlačenja, nepoštivanja rokova ili nerealizacije usvojenih zaključaka, odgovornost za dalje posljedice snose nadležni subjekti, a građani Simin Hana će, u skladu sa zakonom, biti primorani da svoja prava ponovo traže putem mirnih protesta.

- Gradsko vijeće Tuzla, u cilju efikasne realizacije projekta izgradnje trafostanice „Simin Han 1“, zadužuje Gradonačelnika Grada Tuzle da, u saradnji sa Javnim preduzećem Elektroprivreda BiH dd Sarajevo, Podružnica Elektrodistribucija Tuzla, imenuje zajedničkog koordinatora projekta, uloga koordinatora, koordinator bi bio zadužen da:

prati realizaciju svih aktivnosti vezanih za obezbjeđivanje lokacije, izdavanje dozvola i izgradnju trafostanice „Simin Han 1“,

osigurava kontinuiranu komunikaciju između Grada Tuzla i Javnog preduzeća Elektroprivreda BiH dd Sarajevo,

identifikuje i odmah eskalira administrativne, tehničke i imovinsko-pravne prepreke,

mjesečno podnosi pisani izvještaj Gradskom vijeću i informiše predstavnike građana Simin Hana.

- Gradsko vijeće Tuzla traži od Elektroprivrede BiH dd Sarajevo da, putem nadležnih organizacionih jedinica (Elektrodistribucija Tuzla i Elektrodistribucija Tuzla Poslovna jedinica Živinice), u roku od 30 dana, dostavi jedinstven, objedinjeni izvještaj o stanju elektroenergetске mreže na području grada Tuzla, uključujući:

tehničko stanje mreže,

razloge čestih i višednevnih prekida,

identifikaciju kritičnih dalekovoda i trafostanica,

plan kratkoročnih i dugoročnih mjera sanacije i modernizacije.

- Gradsko vijeće Tuzla inicira pokretanje postupka razmatranja teritorijalne reorganizacije elektrodistributivne mreže, s ciljem da mjesne zajednice koje administrativno pripadaju Gradu Tuzla budu u nadležnosti Elektrodistribucije Tuzla, a ne drugih poslovnica. U tom smislu, Gradsko vijeće zadužuje Gradonačelnika da:

uputi zvaničnu inicijativu Javnom preduzeću Elektroprivreda BiH dd Sarajevo, zatraži stručno i pravno mišljenje o mogućnostima reorganizacije i izvijesti Gradsko vijeće o rezultatima.

- Gradsko vijeće Tuzla traži od nadležnih institucija da se ponovno izvrši inspekcijski nadzor elektromreže (niskonaponske i visokonaponske) i izmjere naponske vrijednosti elektromreže u mjesnim zajednicama Par Selo, Pasci, Ljubače, Husino i Kiseljak.

- Gradsko vijeće Tuzla traži od nadležnih institucija da se sačini detaljna i javno dostupna analiza stanja kompletne elektroenergetske mreže u mjesnim zajednicama Par Selo, Pasci, Ljubače, Husino i Kiseljak, sa posebnim akcentom na dalekovode.

- Gradsko vijeće Tuzla traži od nadležnih institucija da se sačini plan sanacije i rekonstrukcije, kao i otklanjanje problema i kvarova sa detaljnim vremenskim okvirima za mjesne zajednice Par Selo, Pasci, Ljubače, Husino i Kiseljak.

- Gradsko vijeće Tuzla traži od nadležnih institucija da se preventivno pregleda cijela trasa elektromreže i preventivno posijeku stabla i granje koje su potencijalna smetnja elektromreži u mjesnim zajednicama Par Selo, Pasci, Ljubače, Husino i Kiseljak.

- Gradsko vijeće Tuzla traži od nadležnih institucija da se planska isključenja električne energije dogovaraju sa savjetima mjesnih zajednica Par Selo, Pasci, Ljubače, Husino i Kiseljak.

- Gradsko vijeće Tuzla izražava ozbiljnu zabrinutost zbog dugogodišnjih i učestalih prekida u snabdijevanju električnom energijom u mjesnim zajednicama Orašje, Par Selo, Brda, Pasci, Petrovice, Ljubače, Morančani i Smajići, Husino, Kiseljak.

- Gradsko vijeće Tuzla zadužuje Gradonačelnika i nadležne gradske službe da u roku od 15 dana upute zvaničan zahtjev Elektroprivredi Bosne i Hercegovine i Elektrodistribuciji Tuzla Poslovna jedinica Živinice za hitnu analizu stanja visokonaponske mreže na navedenom području.

- Gradsko vijeće Tuzla zahtijeva dostavljanje pisanog izvještaja o tehničkom stanju mreže, sa jasno definisanim mjerama i rokovima za sanaciju, rekonstrukciju ili potpunu zamjenu dotrajale infrastrukture.

- Gradsko vijeće Tuzla insistira na izradi trajnog i sistemskog rješenja koje podrazumijeva potpunu rekonstrukciju visokonaponske mreže, a ne parcijalne i privremene intervencije.

- Gradsko vijeće Tuzla zadužuje Grad Tuzla da, u saradnji sa Javnim preduzećem Elektroprivreda Bosne i Hercegovine, razmotri mogućnost promjene nadležnosti održavanja elektroenergetske mreže na način da održavanje preuzme Elektrodistribucija Tuzla.

- Gradsko vijeće Tuzla posebno naglašava humanitarni aspekt problema i zahtijeva da se u kriznim situacijama osigura prioritarna zaštita domaćinstava sa djecom, starijim osobama, bolesnim i socijalno ugroženim građanima.

- Gradsko vijeće Tuzla zadužuje Gradonačelnika da o realizaciji ovih zaključaka informiše Gradsko vijeće u roku od 60 dana.

- Gradsko vijeće Tuzla traži od Elektrodistribucije Tuzla da se zamjene postojeći drveni stubovi niskonaponske mreže u naselju Donji Čaklovići jer je situacija alarmantna a sigurnost građana ugrožena a naročito nakon snježnih padavina.

- Gradsko vijeće Tuzla traži od Službe za prostorno uređenje i zaštitu okoline da dostavi informaciju da li su dobili zahtjev od Elektrodistribucije Tuzla te ukoliko jesu i ukoliko su ispunjeni zakonski uslovi, da urgentno izdaju urbanističku dozvolu kako bi se realizovao projekat jer su građani Gornje Tuzle izloženi čestim nestancima električne energije i

nestabilnom naponu koji izaziva stradanja električnih uređaja a što se posebno odnosi na veliki broj firmi koje egzistiraju na tom području.

- Gradsko vijeće Tuzla poziva nadležne gradske službe da upute zahtjev Elektrodistribuciji Tuzla Poslovna jedinica Lukavac da provjere stanje mreže napajanja u naselju Šići.

- Gradsko vijeće Tuzla konstatuje da je Odluka o utvrđivanju javnog interesa za izgradnju trafostanice „Simin Han 1“ donesena 15.9.2022. godine, ali da ista do danas nije realizovana, iako aktivnosti Elektrodistribucije traju još od 2016. godine, što predstavlja ozbiljan propust u zaštiti javnog interesa i sigurnosti građana.

- Gradsko vijeće Tuzla zadužuje Gradonačelnika i nadležne gradske službe da, u saradnji sa Elektrodistribucijom Tuzla i Elektroprivredom Bosne i Hercegovine, do januarske ili februarske sjednice Gradskog vijeća Tuzla dostave prijedlog konkretnog, operativnog i vremenski definisanog plana, koji mora obuhvatiti:

- rješenje putem druge lokacije realizacije projekta na efikasan način, jer proces eksproprijacije dugo traje, sa neizvjesnim je ishodom,

- privremene tehničke mjere obezbjeđenja električne energije do konačnog rješenja i rokove za izgradnju i puštanje u rad trafostanice.

U te svrhe Kolegij Gradskog vijeća će u prijedlog dnevnog reda januarske ili februarske redovne sjednice Gradskog vijeća uvrstiti tačku pod nazivom: Rješenje problema visokonaponske mreže i trafostanice u Mjesnoj zajednici Simin Han i niskonaponske mreže u svim mjesnim zajednicama gdje postoje problemi sa električnom energijom.

- Gradsko vijeće Tuzla posebno zahtijeva od Elektrodistribucije Tuzla da:

- bez odlaganja obezbijedi tehničke mjere stabilizacije napona,

- jasno navede koje mjere je moguće preduzeti odmah, nezavisno od eksproprijacije.

- Gradsko vijeće Tuzla traži od Elektroprivrede Bosne i Hercegovine da preuzme aktivniju ulogu u rješavanju ovog problema trafostanice u Simin Hanu, obzirom da se radi o objektu od utvrđenog javnog interesa, te da osigura institucionalnu i tehničku podršku za trajno rješenje problema.

- Gradsko vijeće Tuzla nalaže mjesečno izvještavanje o realizaciji ovih zaključaka, sve do konačnog rješavanja problema snabdijevanja električnom energijom u Simin Hanu i svim mjesnim zajednicama u Tuzli i po osnovu loše niskonaponske mreže.

- Traži se od Elektrodistribucije Tuzla i od resornih gradskih službi da odmah sutra izađu na teren i da konačno se riješi problem vezano za stub broj 4 jer će to dovesti do rješavanja problema u snabdijevanju električnom energijom.

- Gradsko vijeće Tuzla traži od Javnog preduzeća Elektroprivreda Bosne i Hercegovine da obaveže Elektrodistribuciju Tuzla da u roku od 30 dana iznađu novu trasu ili način napajanja, pokrenu postupak obezbjeđenja odobrenja za gradnju te da o tome obavijesti ovo Gradsko vijeće.

- Gradsko vijeće Tuzla traži od Gradonačelnika da se rebalansom Budžeta Grada Tuzle obezbijede sredstva za popunjavanje upražnjenih radnih mjesta u Službi za geodetske i imovinsko-pravne poslove i da se odmah raspiše konkurs za radna mjesta za koja su u Budžetu planirana sredstva.

- Gradsko vijeće Tuzla traži od Gradonačelnika da se još jednom razmotri Odluka o organizaciji i djelokrugu rada uprave Grada Tuzle i da se nađe bolje rješenje kada su u pitanju stanovi i poslovni prostori, pa da se ovi poslovi koji su prebačeni u nadležnost Službe za geodetske i imovinsko pravne poslove, evidenciju i upravljanje imovinom, sasvim neprimodno, ili vrate u Službe u kojima su bili ili da se osnuje posebna služba za upravljanje imovinom Grada Tuzle.

- Gradsko vijeće Tuzla traži od resornih gradskih službi i od Elektro distribucije Tuzla da dostave operativni plan djelovanja kako bi se riješio problem snabdijevanja električnom energijom u Mjesnoj zajednici Simin Han a onda sukcesivno i u ostalim mjesnim zajednicama.

ANA PEJIĆ

Molim vas da se izjasnite o pročitanim zaključcima. Glasanje je okončano.
Konstatujem da su pročitani zaključci usvojeni sa,
25 glasova za, nije bilo protiv i nije bilo suzdržanih.

Konstatujem da je dnevni red iscrpljen.

Zahvaljujem se vijećnicima, predstavnicima gradskih službi, gostima i medijima i zaključujem 7. vanrednu sjednicu Gradskog vijeća Tuzla.

(S obzirom da je dnevni red iscrpljen i 7. vanredna sjednica Gradskog vijeća Tuzla zaključena ista je završena u 20:01 sati.)

STENOGRAM SAČINILI:

Selma Suljkanović

Jasminka Delalić

P R E D S J E D A V A J U Ć I

Ana Pejić, BA prava